
# সীবলী ব্ৰতক্ষা

(চাঙমা কধায়)





# কল্পতরু বই পিডিএফ প্রকল্প

কল্পতরু মূলত একটি বৌদ্ধধর্মীয় প্রকাশনা প্রতিষ্ঠান। ২০১৩ সালে 'হৃদয়ের দরজা খুলে দিন" বইটি প্রকাশের মধ্য দিয়ে এর যাত্রা শুরু কল্পতরু ইতিমধ্যে অনেক মূল্যবান ধর্মীয় বই প্রকাশ করেছে। ভবিষ্যতেও এ ধারা অব্যাহত থাকবে। কল্পতরু প্রতিষ্ঠার বছর খানেক পর "kalpataruboi.org" নামে একটি অবাণিজ্যিক ডাউনলোডিং

ওয়েবসাইট চালু করে। এতে মূল ত্রিপিটকসহ অনেক মূল্যবান বৌদ্ধধর্মীয় বই pdf আকারে দেওয়া হয়েছে। সামনের দিনগুলোতে ক্রমান্বয়ে আরো অনেক ধর্মীয় বই pdf আকারে উক্ত ওয়েবসাইটে

দেওয়া হবে। যেকেউ এখান থেকে একদম বিনামূল্যে অনেক মূল্যবান ধর্মীয় বই সহজেই ডাউনলোড করতে পারেন। আমাদের একমাত্র

উদ্দেশ্য হচ্ছে, বর্তমান আধুনিক প্রযুক্তির যুগে লাখো মানুষের হাতের াছে নানা ধরনের ধর্মীয় বই পৌঁছে দেওয়া এবং ধর্মজ্ঞান অর্জনে যতা

নম্ভব সহায়তা করা। এতে যদি বইপ্রেমী মানুষের কিছুটা হলেও সহায় ও উপকার হয় তবেই আমাদের সমস্ত শ্রম ও অর্থব্যয় সার্থক হবে।

আসুন ধর্মীয় বই পড়ুন, ধর্মজ্ঞান অর্জন করুন! জ্ঞানের আলোয় জীবনকে আলোকিত করুন!

This book is scanned by Suvabito Bhante

# সীবলী ব্রতক্ধা

(চাংমা কধায়)

কম্পিউটারত লেখক্যে ঃ শ্রীম**ং ধর্মদীপ ভিক্ষ** ধর্মপুর আর্য্য বন বিহার খাগডাছডি।

প্রুফ সংশোধন গজোন

ঃ শ্রীমৎপ্রজ্ঞালোক মহাস্থবির শ্রীমৎ ভদ্দজী স্থবির ধর্মপর, খাগডাছডি।

প্রকাশ কাল ঃ ২০০১ ইংরেজী

প্রকাশিকা ঃ আশা রাণী চাক্মা

ফোন ঃ ৬৩১০৮৯

#### দ্বিতীয় সংস্করণ

মুদ্রনে ঃ ওসাকা আর্ট প্রেস ৭ মোমিন রোড. আন্দরকিল্লা, চট্টগ্রাম।

#### গজানা

মা, বাপর পুণ্যস্থৃতি, সৎগতি এবং বেক্কুনর দুক্খ, অভাব দুর অবার কামনায় এই চিয়ন বইবো বৌদ্ধ উপাসক-উপাসিকাউনর হাদত্ তুলি দি গজেলুং।

সাধন তালুকদার

#### বর দেনার কধা

সুগ বেকুনে চান। সুগ তগেবাত্যায় যেইনিয়্যাই মানুস্সুনে আজল পত্মান ন চিনিন্যাই ভুল পধেদি যান। তারপরেদি কুলনেইয়া দুগ সাগরত পড়ি নানা দুক্খানি পান। মহালাভী সীবলী মহাথেরও তার আগ জনমর পাপ কামর ফলে মা পেদত আন্ধার খাজা ধক্ক্যা পেদ' ভিদিরে ৭ বজর ৭ দিন কাদা পয়ে। মহাজ্ঞানী অগ্রশ্রাবক সারীপুত্র মহাস্থবিরর মুয়তুন যেক্কেনে মা পেদ' ভিদিরে থাদে দুগর কধা শুন্যে সমারে সমারে তার প্রজ্ঞা চোগ ফুদি উত্যে; আর পিখিমীর অসারতার কধা বুঝি পারিন্যায় প্রজ্ঞা চোগ ফুদি উত্যে, পরেদি প্রবজ্যা লবার বর মাগিনাই চুলানি কাবদে কাবদে অরহত্ত্ব ফল পেয়্যে। ভগবান বৃদ্ধ ফগদাং গজ্জে তা শিষ্যমণ্ডলীর ভিদিরে সীবলী মহাথেরো বেকুনতুন বেজ্ পেইয়াবুয়া। তা ধক্ক্যা কই ন ফুরেইয়া দান কন' জনে ন পেদাক। এধক্ক্যা শুনা কধা-রেবত স্থবিরে বীর্য্য বলে কাদা ঝারত অরহত্ত্ব পেলে ভগবান বুদ্ধ দিব্য চোগেদি দেগিনায় ৩০ আজার ভিক্ষু সজ্ঞ লইন্যায় সিদু যেইয়েয়। সেই অঘুর ঝারতও মহালাভী সীবলী মহাথেরই দেবতাগুণতুন পেইয়ে দানীয় চের প্রত্যয় দিনাই ৩০ আজার ভিক্ষু সজ্ঞগুণরে খাবেইয়ন। সারা পিখিমিত বৌদ্ধগুণে এগামনে, এগাচিত্তে সীবলীরে পূজা গড়ন: আর এগামনে, এগাচিত্তে মহালাভী সীবলীরে পূজিলে সংসারত কোন অভাব ন থেব।

রাঙামাট্যা ট্রাইবেল আদামর বাবু সাধন তালুকদারর রজনা গজ্যা চাঙ্মা কধাদি মহালাভী সীবলী মহাস্থবিরর জীবন কধা ও পূজার বইবুয়া মিসেস্ আশারাণী চাঙ্মা নিজ, চেষ্টায় আর' নুয়াগুরি ছাবেবার উদ্যোগ লইয়ান কই পারিনাই ভারী খুজী ওলুং। এই সীবলী চরিতর গুণ বুঝিন্যায় বেগর ধর্ম চোগ লাভ ওগ এই বরান দাঙ্র।

> শ্রীমৎ সাধনানন্দ মহাস্থবির (বন ভন্তে) রাজ বন বিহার, রাঙ্গামাটি তাং ১১-৭-২০০১ইং

# কিজু কধা

ভগবান বৃদ্ধতুন আঝিজন ডাঙর ডাঙর শিষ্য এলাক। তারাতুন বা সিউনর মধ্যে সীবলী মহাস্থবিরে বেগতুন বেজ লাভী এল। মা পেদত্ জর্ম্ম অনাতুন ধরি মরি যানা সং এধক পুজাসর্মান পেই যেইয়্যে দে, বৌদ্ধ বিজগত্ আ অন্য কোন জনরে তা'ধক্ক্যা দেগা ন যায়। বানা তে নয় তা'লঘে যে ভিক্ষুসজ্ঞাউন থেদাক সিউনেয়্য তা'লঘে লঘে পুজাসর্মান পেদাক। কুলং ন'কুলং, নাগা নাক্ক্যাত্ ন পত্তাক। বানা সিয়ানি নয়, যিউনে সীবলীরে মনত্ গরি পুজা গরিবাক, গুণর কধানি কবাক সিউনেয়্য নানা বাবত্যা গরীবর দুঘখ দঝানি কাদেই যেই পারিবাক।

মানেই পুরীত্ নানা বাবন্ত্যা দেবেতা পুজা, মন্দরলোই ঝাড়ানামারানা আ'পুথি পাঠ গরিনে মান্ন্যা সীরানা আছে—এই সীবলী ব্রত
কধাব্য়া সেধক্ক্যান নয়। বুদ্ধর আঝিজন ডাঙর শিষ্যউনে বেকুন
বিজগর মহাপুরুষ। সিন্ত্যায় আন্দাজ গরি সিউনর কধানি উরেইদি
পারা ন যায়। বুদ্ধ এবং তা'শিষ্য সজ্যউনর গুণানি এত সত্য এলদে
সিয়ানি এজ সং পিখীমির তিন ভাগর এক ভাগ মাঞ্জ্যে মানি এত্তন,
বিশ্বেজ গত্তন এবং পালাদন। আঝল ভাবীয়াউনে বৌদ্ধ ধর্মর
সারান কদক সত্য এবং ডাঙর সিয়ান বুঝি পারন।

যেই বৌদ্ধউনে আদামত্ নানা দেবেতা বিশ্বেজ গরি পুজা গড়ন সিউনে যদি এই "সীবলী ব্রত কধা" ধগে পুজা গড়ানা আক্ক্যাং অন সালে সিউনকুন ভাঞ্জো কুঅভ্যাস্সানি বুদুলি যেব এবং ভালেদর দোল অভ্যাস্ গরি উদিব।

সীবলী পূজা বেন্যা-বেল্ল্যা যেক্কে পায় গরি পারে। তবে বেন্যা দিবোরত্ গড়ানাই বেগতুন বেজ গম। বেল্ল্যা দিবোরত্ গরিলে বানা ঘি,মধু,মাখন, চিনি, মিশ্রি, আট্য বাবদর পানীয়, ফূল, বাত্তি, ধুপকাদি, ইয়ানি দি পারা যায়। যিবেই সীবলী পূজা গরিব সিবেই আগে পূজার দরব্ভেনানি যুগলেই পেব। আমনর কায়কুড়ে আদামর মানুচ্জন ইত্ত'কুদুম্বউনরে বোলেই পেব এবং কিয়ঙর ভাত্তেউন্ ফাং গুরি পেব। সীবলী পূজা গত্তে যুদগরি বৃদ্ধ পূজায়্য গড়া পরে। পুজান্তায় অঝল জাগা বানেই আসন সাজা পরে।

সিয়ত্ বৃদ্ধ ছবি বা মূর্ত্তি এবং সীবলী মহাস্থবিরর ছবি বোঝেনেই দোলে শ্রদ্ধা ভক্তি বিশ্বেজ গরি পূজা গড়ানা দরকার। ত্রিরত্ন বন্দনা গরি পঞ্চশীল লনার পরে বৃদ্ধ পূজা ও সীবলী পূজা উৎসর্গ গড়া পরে। পরেদি সীবলী পরিত্রাণ পাঠ ও সীবলী ব্রত কধা পড়ি শুনিলে যদবদে গম অয়। বেগর জেরেদি বোলেইয়াা গর্বাউনরে চুদ'মুদ' কিঝু হাবানার নিয়ম আঘে। ইয়ানির কোন এক্কান বেজ কম অলে পুণ্যর-অ বেজ কম ওই পারে।

এই থুম ন'উয়া গুণবলা সীবলী ব্রত কধা পইলা উজু বাংলা ভাষালোই কবিতা সুরেদি রোজেয়ে বিশুদ্ধাচার মহাস্থবির। সিতুন চাংমা কধাদি ভাঙী রোজেয়ে বাবু সাধন তালুকদারে। তে মোতামোতি কৃজ্ গুজ্জোদে। সিতুন মুই গুচ্ছো গাচ্ছায় সাজেনেই যা পারং দোল গরিবার চেরেষ্টা গজ্জাং। আঝা গরং এই "সীবলী ব্রত কধা" বইবো সসাগোজ্জা মাঞ্জার্ ভালেদর কাম গরিব। সীবলী মহাস্থবিরর ধক্কান বেঘতুন বেজ লাভী অভার পথ বা উবায় অভ'। বেগ পরান বলার ভালেদ ওক্ বেগে সুগী ওদোক।

প্রজ্ঞালঙ্কার মহাস্থবির ধর্মপুর আর্য্য বন বিহার খাগড়াছড়ি।

#### মু-বান

মহালাভী সীবলী পূজা গড়ার নিয়ম কানুন দেগেই দিয়া এই চিয়ন বইব পড়ি চানায় দেগা গেল। বইবত্ বুদ্ধ ভাষায় পালি কদায় পূজার মন্ত্রউন অদে অদে লেখা অইয়ে। এবং চাক্মা ভাষায় সীবলীব্রত কদার আজল আজল বিষয়ানি রাগেই সংক্ষেপে খুব দোলে-দালায় তারা বানি ফগদাং গড়া অইয়ে। মুই আশা গড়ং সীবলী পূজাত্যায় বিলি এ বইব খামাক্কায় উবকারত্ এব। যারা নানা দেবেদা পূত্যন্, তানমানা গড়ন, লক্ষী পূজা গড়ন সিয়ানি ছাড়ি সীবলী মহাস্থবিরর পূজা গল্লে খুব জিদিবাক্। বুদ্ধ নিজে কইয়ে সীবলী মহাস্থবিররে পূজিলে গিরিষ্টি বলার নানা আপদ্বিপদ রোগ ব্যাধি ভয় অন্তরায় ধ্বংস অয় ক্ষেত ক্ষেত্তি গম অয়; পক্তানি অয়,ভাতে কাপড়ে উন ন অয়। কারণ বুদ্ধ দেখ্যদে সীবলীরে শ্রদ্ধায় বিশ্বাসে পূজিলে এ উপকারানি খামাক্কায় অয়।

সীবলী পূজা বিন্যা বা বিল্যা যেকে পায় গড়ি পারে। তবে বিন্যা গল্লে বেশ্ গম্ অয়। বিল্যা গল্লে, ঘি,মধু,মাখন,তেল,মিদা লাগে। আট্যা পানীয়, ধূপ কাটি,বাত্তি,ফুল,ইয়ানি পূজাত দি পারে। সীবলী পূজাত্ ভিক্ষুরে ফাং গড়া পরে। সীবলী পূজা সমারে বুদ্ধ পূজা গড়া পরে পূজত্ বুদ্ধ আর সীবলী ছবি বা মৃত্তি স্থাপন গরানা বা রাগানা গম্। ব্যক্তিগত ভাবে অর্থাৎ গায় গায়ই ভিক্ষু ফাং গড়ি ঘরত্ গড়ি পারে এবং কয়েকজন আদাম্যা বুড়াবুড়ীরে ভাত খাবেই পাল্লে খুব গম্ অয়। আদাম্যায় বেকুনে মিলি গল্লে আরহ বেশ গম্। পঞ্চশীল লনার পর ত্রিরত্ন বন্দনা গড়ি সীবলী পূজা উৎসর্গ গড়ানার নিয়ম আগে। এ বইব সাধন তালুকদারে লিগিন্যায় খুব গম্ কাম গজ্যে। ধর্ম পরায়ন বৌদ্ধউনর ইবা খামাকায় উপকারত্ এব।

বেগ প্রাণীউন সুখী ওদোক দুগত্তুন মুক্তি পাদোক। সাধু সাধু সাধু। শ্রীমৎ প্রজ্ঞালঙ্কার ভিক্ষু

#### সিজি কধা

ভগবান বুদ্ধর আঝিজন মহাশ্রাবক্কুনর বিশেষত্ব অলদে তাঁরা এগ এক্কান গুণলোই এগ এগজনে শ্রেষ্ঠ। মাখার সেই পত্মান পেবান্ত্যেই তাঁরাত্ত্বন সাধি যা পরে আগাত্যে কাম। একুয়া বুদ্ধ মুজুঙতুন সেই শ্রেষ্ঠ পত্থানর বর মাগি ভালোক কল্প সঙ্ পূণ্যর পারমী পূন্নর জায় জুক্কোল গরা পরে তাঁরার। সেধক্যে পারমী পুরেয়্যে মহাশ্রাবক সীবলী স্থবির দাগী হলাক লাভীর (দান পানা হবাল্যের) মধ্যা শ্রেষ্ঠ। ভগবান বুদ্ধদাগী গোদা ভিক্ষু সজ্ম ভিদিরেতুন স্থবির সীবলীরে সেই লাভী শ্রেষ্ঠ উপাধিয়ান দিনেই ভারী বাগিনী গরি বুদ্ধ শাসন্ত আগ বাড়েই লয়োন। কোয়া পরে পূণ্যবান সীবলী যেক্কে মা পেদ্ত এল সেক্কেনে তা' মা রাণী সুপ্রবাসার আদত বাজে নিনেই প্রজাউনে কন' বিজি ছীদিলেগোই সিউনতুন সমরে ন-পুরেয়্যে ফল পেদাক। আ প্রবজ্যা অলে যেই ভিক্ষুসঙ্ঘ, দায়ক-দায়িকাণ্ডন সীবলীদাণীলোই গন্জি-মন্জি গরি থেদাক তাঁরাও কন' দিন নেই শব্দবুয়া ন-শুন্দাক। ইঙিরি লাভী শ্রেষ্ঠ সীবলী স্থবিরে মা পেদত জন্মানাতুন ধরি মহাপরিনির্বাণ যাই সঙ্ আমিজে পানিনাল ধক্ক্যে সয় সাগজ্যে দান পেই যেইয়ে। এধক্যে ভাগ্যন্ত্যের বিজক সীবলী বাদে অন্য কারর নেই।

বুদ্ধ নিজ মুয়োই কোইয়ে স্থবির সীবলীরে শ্রদ্ধা গরি পূজিলে, তার গুণোর কধা ঈধোত গরিলে, তাঁর পূণ্য পারমীর মাজারানি মনত্ বানি রাগেলে হামাক্কায় থাগৈয়েয় ওই পারে। সেন্ত্যেই বিশেষ গরি গিরিত্তি বলার উচিত মিথ্যাদৃষ্টি পূজোনি বাদ দিনেই লাভীশ্রেষ্ঠ সীবলী স্থবির্

## কৃতজ্ঞতা স্বীকার

বুদ্ধ ভাষায় অর্থাৎ পালি ভাষায় সীবলী পূজার মন্ত্রউন অদে অদে লিগিন্যায় শ্রদ্ধেয় শ্রীমৎ বিশুদ্ধাচার মহাস্থবিরর লেখ্যা সীবলীব্রত কধার আজল আজল বিষয়ানি কুড়েইন্যায় আদাম্যার মা, বাপ, ভেইলগে দোলে বুঝি পারন পারা ও স্বধর্ম উন্নতি অবান্ত্যায় এ চিয়ন সীবলী পূজার বইব লেখা অইয়ে। এ বইবর "মু-বান" রাজ বন বিহারর শ্রদ্ধেয় বন ভন্তের বাইনীর শিষ্য শ্রদ্ধেয় শ্রীমৎ প্রজ্ঞালঙ্কার ভিক্ষু মহোদয় সকল প্রাণীর উপকারত্যায় যে কন্তুগড়ি লিগি দিয়ে সিত্যায় বিলি মুই খুব কৃতজ্ঞ এবং ধন্য, শুধু মুই নয়, মুই মনে গড়ং বৌদ্ধ সমাজ আমি বেকুনে উপকৃত ও ধন্য অইয়েই।

তার সুদীর্ঘ নিরাময় পুণ্যময় জীবন বেগ্ প্রাণীউনর হিত মঙ্গলত্যায় কামনা গড়ি তার যাদি-মাদি অরহত্ব ও নির্ব্বাণ পত্তান লাভত্যায় ত্রিরত্ন ইদু কায়, বাক্য, মনে বর্ মাগঙর।

> সকল প্রাণী সুখী ওদোক দুক্খতুন মুক্তি ওদোক। সাধু সাধু সাধু

> > ইতি চির কৃতজ্ঞ, দায়ক — সাধন তালুকদার।

#### সৃচি পত্ৰ

১। ভূমিকা	7
২। সীবলীর জন্ম	9
৩। মুর্ছাত্তুন উদিলে সুপ্রবাসা মন কাননি	৬
৪। সুপ্রবাসার দুগর কধা <sub>়</sub>	જ
৫। বুদ্ধতুন পা <sup>°</sup> চশত ভিক্ষু চানা	72
৬। হিমালয়তুন সীবলী স্থবিরের শ্রাবস্তী ফির্নি	रे २১
৭। সাত বজর মা পেদত্ থানার কারণ	২৮
৮। সীবলীর ডাঙর পদ পানা এবং ৩০ আজ	ার
ভিক্ষুলোই রেবতরে খজা যানা	৩১

৩৮

88

80

89

... 8b

.... 8৯

৯। বাদী গরি সীবলী ব্রত কধা

১৩। বুদ্ধের উপদেশ বাণী .....

১১। সীবলী পরিত্তং

১২। সীবলী মন্ত্র

১০। লাভী শ্রেষ্ঠ অরহত সীবলী পূজা

১৪। শ্রদ্ধেয় বন ভন্তের দামী দামী কধা

বিষয়

## সীবলী ব্ৰতকধা

#### নমো তস্স ভগবতো অরহতো সম্মাসমুদ্ধস্স

#### ভূমিকা

সীবলী ব্রতকধা শুন' দায়ক-দায়িকাউনে, বুদ্ধ কইয়্যে এ-কধানি পড়ঙত্তে এগামনে। সীবলীর চরিত-কধা অমৃত'-ধক্ক্যা ক'ন্, দিব্যজ্ঞান লাভ গড়ন যারা দোলে শুনন। সীবলীর গুণ'কধা যে জনে পড়িব'. আবদ্-বিবদ্ কাদি-যেই তে সুঘত্ পুড়িব'। বাত্তি জ্বালি ফল-পাওরে সীবলীরে পুজিলে', তা-কধা বিন্যা-বিল্যা শ্রদ্ধাগড়ি শুনিলে। অভাব কারর থেদ' নয়, বুদ্ধউনর কধায়, বিশ্বেঝ্ গড়' বিশ্বেঝিউন্, বিশ্বেঝে ফল্ পায়। বিশ্বেঝ্ গড়ার্ ভিদিরে, গম্ বিশ্বেঝ্ আঘে, বিশ্বেঝ গল্লে সত্যরে সত্যয়ান জাগে। মিথ্যারে সত্য আর্ যে সত্যরে মিথ্যা কয়, তা-কবালর দুগ্খান্ জনম্ ক্ষয়-যেবার নয়। বুদ্ধ মানে জ্ঞানী, সত্যরে সত্য জ্ঞানীয়্যে কয়, সত্যয়ান্ নিত্য সত্য, মিথ্যা অবার্ নয় । বেলান্ যেন্ পুগেদি, বিন্যে অলে উধে, পুঝিমেদি ডুবি যায়, সময় অদে অদে। সত্য-মিথ্যা বেল'ধক্ক্যা চলে নিজ' পধে. কন'কিছু র' ন-মানে সুঘ্-দুঘ্ দেদে। সত্যয়ানে সুঘূ দে, মিথ্যায় দুঘ্ আমিষ্কন্, সত্যয় গড়ন্ কুশল্কাম্ মিথ্যালোই পাপ গড়ন্।

অরহৎ শ্রীসীবলী ভারী তেজীয়ান মহাজ্ঞানী মহালাভী ভারী পুণ্যবান। স্মরণ গড়ি এ-সত্য সীবলীরে পুজিলে, কুশলকাম ওই যায়, সুঘ মিলে কুশলে। দুঘ্কামত্ ফলি যায়, কাজ-কারবারত্ বাড়ে, ঘর-গিরিত্তি পুরণ ওই সোনায়-রূবয় কবভরে। চীন, জাপান, শ্যাম আর বুদ্ধ-দেঝ বার্মাত্, ভক্তি-শ্রদ্ধায় পুজা গড়ন্, তিব্বত আর শ্রীলঙ্কাত্। সীবলীরে পুজা গড়ি ধন্য অইয়্যন্ সে জাদি. ফল পেই মানি এখন্ সীবলী-পুজার নীতি। শতুরুনে মিতুর অন্ কন' শতুর ন-থান। পানিত্ কিংবা ভূইয়্যত্ নিত্য দেবতাউনে রাঘান্। বুদ্ধ-পুয়া শ্রীসীবলী মহাপুণ্যবান, তাঁর পুণ্যতেজে নিত্য বেঘে রক্ষা পান্। সীবলীরে স্মরণ গল্লে যিদুপায় যাদে. শুভ্যাত্রা অয় তার, সিদ্ধি অয় পদে-পদে। যক্ষ-রক্ষ-নাগ্কুনে মিত্র বেঘে অন্ সীবলীর গুণ'কধা যারা ঈদোত গড়ন। সাত-বঝর বয়ঝে সীবলী অইয়্যে অরহৎ, বেক্ পাপ ক্ষয়-গড়ি, সুঘে যেইয়েয় নিৰ্বাণত। সীবলীর জর্ম অনান আমক ওই পায়, সাত বঝর মা-পেদট্ রল' তে কিত্যায়? মরণ তাঁর তুয়ো-কিন্ত্যেই পেদট্ থাক্তে ন-অল ? বুদ্ধ জানার বেঘরে কর্মফলে বাজিল'। নানারকম্ কামর্ গতি. কন্না বুঝি পারে? কাম গল্লে কামর্-ফল্ বেঘর্ ভূগা পরে।

গম্-কামে সুঘ্ আর খারাপ্-কামে দুঘ্ আয়,
কর্ম গল্লে ফল-ভূগতুন্ ছাড়িবার্ নয়।
সুঘ্-সুঘ্ কুধু সুঘ্, বেঘে সুঘ্ তগান্,
গম্-কামত্ সুঘ্ থায় জ্ঞানীউনে ঠারান্।
ছাড়ি ন-পাজ্জ্যা কর্মফল যেক্কে ভূগি পায়,
গম্ কামে সুঘ্ ল' দুঘ্খান্ লভা কিন্ত্যায়?

### সীবলীর জর্ম্ম

শুন' শুন' বেক্কুনে ভক্তি-শ্রদ্ধালোই, সীবলীর অদ্ভুদ্ জর্ম্ম পড়ি-যাঙল্লোই। ভারদত্ বৈশালী এল' একান্ বড় শহ্র, ধনধান্যে ভরণ্ থেদ' নিত্য বেক্কুনর্। লিচ্ছবি নাঙেদি জাদি, বৈশালীত্ এলাক্, উনুত আর সভ্য-জাত রাজত্ব গত্তাক। গণতন্ত্র আইন মতে রেজ্য চালেদাক্ ধনী-গরীব প্রজা বেঘে ভারী সুঘে থেদাক্। কন' দুঘ্ ন-এল' বৈশালী রেজ্যত্, হিংসা-নিন্দা ন এল' মাঞ্যুর্ মনত্। দোল্ এলাক্ বৈশালীর্ মানুচ বেরুন্, লি চ্ছবি নাং অইয়্যন্ সিত্ত্যায় সেই জাতিউন্। সেই দেঝর রাজার পুয়া মহালী কুমার, ধর্মে-কর্মে-পুণ্যে বিশ্বেঝ্ ভারী এল' তার। সর্বগুণে গুণী এল' মহা পুণ্যবান, বুদ্ধ-ধর্ম কধা শুনি পেইয়্যে দিব্য জ্ঞান।

কোলীয় রাজার ঝি সুপ্রবাসা নাং, রূপে-গুণে গুণবতী ভারী পুণ্যবান। শাক্য-রেজ্যত একদিন্যা সুপ্রবাসা যেইয়্যে. ভাগ্যগুণে শ্রীবুদ্ধরে সিধু দেঘা পেইয়্যে। যেকে তে বুদ্ধতুন ধর্ম-কধা ভনিল', স্রোতাপত্তি জ্ঞান লাভ, সেক্কে তে গড়িল'। বুঝিল' দুঘর্ শেঝে সুঘর নির্বাণ. সূঘ তোগাদে পেল' তে আর্য্যমার্গ জ্ঞান। কর্মফল মিলি গেলে মিলা আর্ মরদর্ নেগে-মোগে মিলন অয় তারা দ্বি-জনর। সুপ্রবাসার আগ'জর্মার গম কামর ফলে, মহালী কুমার' মোক ওই গেল' দোলে। নেগে-মোগে মিলামিলি তারা দ্বি-জনর্ মুণিকাঞ্চন যোগ অইয়্যে বৈশালী নগরর। মিথ্যা-দৃষ্টি মিথ্যা-জ্ঞান ন-এল' তারার্, দেব'দেবী ধক্ক্যা তারা চালেয়্যন্ সংসার। যেইদিন সুপ্রবাসার্ পেদট্ পুয়া জর্মেল', পুণ্যবান পুয়া অভ' জ্ঞানে তে জানিল'। নানা উপহার এঝা ধল্ল সে-দিনত্তন ধরি. অলস্কার্ আর কাবড়-চুবড় এঝের্ গাড়ীত্ গুরি। বিন্নো এঝে পাচ্ছান্ গাড়ী বিল্লো এঝে পাচ্ছান্, টেঙা-পয়জ্যা লাভ গড়ের, গড়ের যে কামান। গাঙর পানি সাগরত যেন গড়ি যায়, দ্বি-জন মাঞ্জ্যর ধন লাভ আমক্ ওই পায়। আ-কি পুন্যের জোর গমে বুঝি চ', কর্ম গল্লে ফল দৈদে, ন-মানেদে র'।

সুপ্রবাসার কত পুণ্য পরীক্ষ্যাত্ত্যায় ভিলি. তা আধত্ বীজি ছোয়ান্ প্রজাউনে মিলি। সুপ্রবাসার ছুইয়া বীজি ভূইয়্যত্ ছিদি দিলে, এক্ বীজিত্তুন্ আজার বীজি, সে ভূইয়্যত্ ফলে। দুগ্খ্যা মানেই সুঘী অইয়্যন্, সে দেশ্ছান্ ভরি, অভাব দুঘ কিয়্যে ন'পান্, সে বঝরতুন্ ধরি। বেঘর চোখ সুপ্রবাসা হক্ষে পুয়া ফুদায়. চাদে চাদে দজমাস আর দজদিন্ ওই যায়। কিন্তু হায় পুয়া ফুদেবার্ কন' লক্ষণ নেই, সারা রেজ্যত্ চিদ্যে অল' তা অবস্থান দেই। এক্ বঝর দ্বি-বঝর গড়ি বঝর বঝর যার, তুঅ খবর নেই সুপ্রবাসার পুয়া ফুদেবার। এ অবস্থায় সাত বঝর পার ওই গেল', আস্তে আস্তে এবার তার পেট্-পীড়া ধল্ল। কন্কর্মে সাত বঝর পেদট্ পুয়া ধরে, এ তত্ত্বয়ান কন'জনে বুঝি ন-পারে। আজার আাজার ভিক্ষুলোই সেক্কে ভগবানে, বিবেগ্ সুঘত থেদ' তে কিয়ং জেতবনে। শ্রদ্ধাগড়ি দিন-মাগানে সুপ্রবাসা রাণী, দান পাধায় জেতবনত যিধু মহামুণি। গম গম হেবার জিনিস হুঝি ওই মনে, শ্রদ্ধাগড়ি পাধেই দিদ' ভারী যত্তনে। স্রোতাপত্তি ফল পেনেই, ধন্য তে অইয়্যে, সাত বঝর পুয়ার ভার্ কিত্তায় বোই পেইয়্যে? বিচিত্র কর্মর ফল কন্না বুঝি পারে, দেব'-ব্রহ্মা বেঘে ঘুরন্ ভব-ভবান্তরে।

অতীতর কর্মশক্তি যাবৎ বোই থায়, সময় অলে কত্তারে সুঘ-দুঘত ফেলায়। যিয়ান লাগায় সিয়ান পায়, সত্যয় জানায়, কর্ম-গড়ার সাবধানে বুদ্ধর দেশনায়। গমকামে সুঘর ফল, মন্দে দুঘত পড়ানা, সুঘ্ যুদি চ', নিত্য গম্-কাম্ গড়'না। পুয়া ফুদেবার সময় ওই, সুপ্রবাসার এল', পেট্-পীড়া এবার তার বেজ্গড়ি অল'। পেট্-পীড়া সোই ন-পারি মুর্ছা যার রাণী, কি দুঘ তার বুঝি পারে, দে'লে ছটফদানী। কি গড়িব' মহালী কুমার দিক্কাউল' হার. ঘরত্তন নীঘিলের আর ভিদিরে সমার। মুর্ছাতুন উদিলে সুপ্রবাসার মন কাননি পেট্-পীড়া কমিলে মুর্ছাতুন উদিলে. বুদ্ধরে মনত গড়ে। ওগো প্রভূ ভগবান তুই ভারী দয়াবান, বুদ্ধরে সেলাম গড়ে। তর এই উব'দেশ্ছানি নিত্য মুই চলং মানি, ওহো দুঘে ভরা এ সংসার। নানা পীড়া ভূগি পায় জর্ম্ম অলে মুরি পায়, কন' জীবর রক্ষা নেই আর। দুঘর্ নিরোধ-সত্য বেক্ জিনিস অনিত্য, এই উব'দেজ তর। তৃষ্ণানি অলে ক্ষয় বেক্ দুঘ্ নাঝ্ অয়. কি সুঘ অয় নির্বাণর।

পীড়া দুঘ্ সোই ন-পারি ওমা-হধা গড়ি গড়ি, বেই পড়ে চোঘর্ পানি।

বেঘর্ পরাণ্ কানে তা দুঘ্খান্ যে জানে, উধে আর পড়ে সুপ্রবাসা রাণী।

ওঘোর এ দুঘত্ বুদ্ধরে তুলে মনত্,

বুদা-পদত্ লল' শারণ।

মহারাণী সুপ্রবাসা আরেইয়্যে জীবন' আঝা, মহালীরে ডাগিল' তখন।

ও-মর পরাণ' কুমার ইক্কে মর পরাণ যার, শেঝ্ দেঘা চেই যানা।

এই কধা কধে রাণী বেই পড়ে চোঘর্ পানি,
মুর্ছা যেই অল' অজ্ঞান।

মহালী কুমারে এই তা জালা-যন্ত্রণা দেই তা মনত্ চিদ্যে অল'।

দারু দর্ম তোগে লল' সেবা তারে গড়া ধল্ল, জ্ঞানান্ আর' ফিরি এল'।

চিৎপুরে পারা গড়ি দ্বি-য়ান্ আত্ জুড় গড়ি, কল' মহালী কুমাররে।

"ওগো স্বামী প্রিয় মর্ উলুং সেবিয়া মুই তর, সেবা গড়ং আর' তথাগতরে।

যা'না শ্রাবস্তী নগরত্বুদ্ধ থায় জেতবনত্, ম-কধা কঘোই তারে।

ভাগ্যত্ মর্ কি আঘে তথাগতর দয়া মাঘে, মর এই দুর্গতি দিনর্।

তুই যা মর্ অইন্যায় বুদ্ধরে ঠেঙত্ সেলাম্ দিনেই, কঘোই প্রার্থনান্ মর্। মুই যুদি মুরি যাং পরকালে যেন্ সুঘ্ পাং, এ-কধা বৃদ্ধরে কভে।

শিষ্য-সুদ্ধ ভগবানে ঘরত্ আনি নিমন্ত্রণে, শ্রদ্ধাগড়ি ভোজন দান গড়িবে।

যা'না প্রিয় তাড়াতাড়ি এক্কায়্য দেরী ন-গড়ি, বুদ্ধরে কঘোই ইয়ান্।

কোলীয় রাজার ঝি বুদ্ধরে সেবে পরাণ্ দি, আর' সেবে তা জ্ঞানান্।

এই পেট্পীড়া উরত্বুদ্ধরে গড়িন্যায় মনত্, কানে সুপ্রবাসা রাণী।

'ওঘো বুদ্ধ তথাগত তুই অলে অরহত, সর্বজ্ঞ আর মহামুণি।

ত ধর্ময়ান্ দোলে ভাঙী বুঝি পারন্ জ্ঞানী-গুণী, যে বুঝে তে পায় নির্বাণ।

ত শিষ্য শ্রাবক-সজ্ঞ ছাড়ি এই সংসারর্ রঙ্গ, সুপধে নিত্য উধি থান'।

এভাবে শ্রীবুদ্ধরে কভে কধা ভক্তি ভরে, উপাসিকা সুপ্রবাসা তার।

তে ভারী কষ্ট পার ততুন্ আশীব্বাদ চা'র্, বাজিবার আঝা নেই আর।"

-808-

#### সুপ্রবাসার দুঘর্ কধা

মহালী কুমারে শুনি, ছট্ফট্ট্যা অইয়্যে, মহারাণীর দুঘ্খ' দেই, কি গড়িব' অইয়্যে। আধা ধল্ল শ্রাবস্তীত্ যিধু আঘে ভগবান, লুঙীলগোই জেতবনত্ অইন্যেই অরান্। ফোবে-ফোবে, মহালীয়্যে সোমেল' কিয়ঙত্, ভগবানে বোই রইয়্যে সেক্কে বিবেক-সুগত্। লাম্বা সেলাম্ দিই কুমারে লাম্বা ওই পল', খনিঝেচেয় সুপ্রবাসার দুঘর্ কধা কল**'**। "ও প্রভু ভগবান তুই অলে সংসারর সার, তুই ছাড়া উপায় নেই রাণী সুপ্রবাসার। পেট্-পীড়ায় ছট্ফট্ গড়ের সুপ্রবাসা, দয়া মাগং ও-প্রভূ বিবদত্তুন্ বাজা। কত দারু খাবেলুং, কি চছুয়্যে ন ধরের, সুঘ্ নেইয়্যে পেট্-পীড়ায়, নিত্য ছট্ফট্ গড়ের্। এধক্ষণ আঘেনে-নেই রাণী পরাণে বাজি, দয়া তর্ বিলেই দিই, ফুদেই দে মুয়ত্ আহ্ঝি।" সুপ্রবাসার দুঘর্ কধা শুনি ভগবানে, করুণা উদরেই উধে মহামুণির মনে। আচ্ছা-আচ্ছা ঠিক্ আঘে মহামুণি কল', 'সুঘে পুয়া-ওক্ সুপ্রবাসার' এ আশীব্বাদ দিল'। "পুয়া দোলে ফুধে ওক্ সুপ্রবাসা সুঘীনি, নিরোগী তার পুয়া-ওক, গম্ থোক্ বিয়ানি।" এ আশীব্বাদ দিল' বুদ্ধ, দয়া গড়ি তারে, সুঘে সুঘে পুয়া ফুধেল আশীব্বাদ' সমারে।

দয়াল-বুদ্ধর আশীব্বাদে মরত্-পুয়া অল্ সোনাধক্ক্যা পুয়া তারার পিখীমিত এল'। চেরোকিত্ত্যা হুঝির জোয়ার রাজঘর' ভিদিরে. গদা রেজ্যত্ মানুচ হুঝি সেই হুঝির্ জোয়ারে। পুয়ার মু দেই রাণী কি যে হুঝি অইয়্যে, আগে পেইয়্যা বেক দুঘ তে ভুলি যেইয়্যে। এ হুঝি দিল' বুদ্ধ আশীব্বাদ গড়ি, ভক্তিয়্যে সেলাম জানায় বুদ্ধর পদ-ধরি। ও-বুদ্ধ, ও-ধর্ম, ওগো সজ্ম ত্রিরতন্, তমার প্রভাবে মর্, দুঘ্খ' অল' উপশম। সীমা নেইয়্যা বুদ্ধ গুণ্, ধর্ম গুণও সিয়ান, তা-সজ্ম বেক্কনে নয় গুণে গুণবান। এ-তিন রতনরে যে গড়িব' মনত্ সুঘ অব' তার খামাক্কায়্, ইহ-পরকালত্। আশীব্বাদ লোই কুমারে ঘরত্ ফিরি এল' ভগবানর দয়ার কধা, রাণী-ইধু কল'। 'চাদেই-চাদেই প্রাণনাথ, বুদ্ধর কি দয়া, সুঘে পুয়া ফুদেই পিয়ং, মুই গম কিয়া। সোনার ধক পুয়া তর চোঘ-জুডেই চা চেই-লোই আর' তুই, বুদ্ধইধু যা। হুঝি ওই মহালীয়্যে তাড়াতাজ্জ্যা গড়ি, সোনার মানেক পরাণরে, চেল' দ্বি-চোঘ ভরি। 'যা আর' প্রাণনাথ, ভগবানরে কঘোই, তার দয়ায় সুঘে আঘং, এ-খবরান দেগোই। সীমা নেইয়্যা ভক্তি মর্, জানাং তার্ চরণত্, শ্রদ্ধাগড়ি তাঁর গুণ, আনং মর মনানত।

ফাং-মুই গড়ঙর শিষ্যসুদ্ধ বুদ্ধরে, ঝাদি তুই এই-যাগোই ফাং-গড়ি তারে।' মহালীয়্যে আর' গেল', শ্রাবস্তী নগরত্ বুদ্ধ-ইধু আজির অল' হুঝি ওই মনত্। সেলাম্ গড়ি বুদ্ধরে, সুঘর্ কধা কল', সুপ্রবাসার দুঘ্খ'-কষ্ট কেনে শেঝ্ অল'। তারপর আতজুড় গড়ি মহালী কুমার, সুপ্রবাসার শ্রদ্ধার ফাং, বুদ্ধরে জানার। "ও-বুদ্ধ দয়াময়, তুই দয়ার সাগর, সুপ্রবাসার কত আঝা তরে পুজনর্। শ্রদ্ধাগড়ি পাধেই দিয়ে, ত-ইধু মরে, ফাংগড়ি নিবার্ তরে, শ্রাবস্তী নগরে। ও-বুদ্ধ দয়াগড়ি ফাঙান্ ল' আমার, হিত মঙ্গল সুঘ্-ওক্, মানে আ দেবেতার।" দয়া গড়ি দয়াল-বুদ্ধ ফাং লল' তারার্, সাধু সাধু কোই-যগোই, বেঘে তুমি এবার। সীবলীর নাং-বজানা ও প্রব্রজ্যা বৈশালী নগর অল', হুঝিয়ে ভরপুর, নানা-বাদ্য বাজাদন্, শুনদে মধুর। শিষ্য-সুদ্ধ বুদ্ধ এব', বৈশালী নগরে, লক্ষ মানেই লেইন্ ধজ্জ্যন্, পুজিবার্ তারে। হুঝি মনে গেই-যাদন্, বুদ্ধ গুণগীতি, অহিংসা বেঘর মনত্, প্রেম আর প্রীতি। দুয়ারে দুয়ারে বঝেই থইয়্যন্, মঙ্গল-ঘট্, कूल कूल সাজেয়ान्, আদামর্ পধ্।

পধে পধে সাজেয়্যন গেইট চমৎকার, উক্ষোত্তন উক্ষো দোল, কি কব' আর। জাগায় জাগায় কুম থইয়ান, কুয়াপানি ভরা, পানি সাঝে পানি বেঘে হেই-পান্ পারা। খাদ্য-ভোজ্য-লেহ্য-পেয়্য়, কি আর কভ' চেই. যে যেধক পারে হেই পায়, মানা কি চছু নেই। ছঝিয়্যে নাজি উধের্, বৈশালী নগরী, চক্চক্ক্যা সাজেয়্যা, যেন্ স্বর্গপুরী। লি চ্ছবীর মহারাজা মহালী কুমার. পুয়ার মু দেই ইচ্ছো, হুঝিয়্যে অপার। রাজ-ভাণ্ডার খুলি দিয়্যে, গরীবত্ত্যায় ভিলি, ধন্য রাজার পুণ্য দেঝ. অইয়্যে বৈশালী। ইত্য-কুদুম জ্ঞাতীউনে, বেঘে এই-যেইয়্যন, সোনা ধক্ তা পুয়ারে আশীব্বাদ গজ্জান। মনর যত দুঘ্খ' কষ্ট, বেঘর মিলে গেল', বেঘর মন-প্রাণ আঝিয়ে কল্-কল্ অল'। বেঘে মিলি পুয়ার নাং, সীবলী রাঘেলাক, গদা রেজ্যর প্রজাউনে, ধন্য ধন্য অলাক্। নুয়া অইয়্যা গুড়া সীবলী ভাবের মনে মন কি সৌভাগ্য এচ্ছ্যা মর্, শ্রীবুদ্ধর এঝন্। যুগ্ যুগ আওজর ধন ইচ্ছ্যে মুই পাঙর, ইয়ানু মর শেঝু জর্ম্ম, জ্ঞানে দেঘঙর। এ ভাবিন্যায় ঘন' ঘন' পধ'কিত্ত্যা চায় কদক্ষণে এব' বুদ্ধ প্রভূ নররায়। সাধু সাধু র' আদিক্যা, তা কানেদি শুনিল', চোরোকিত্যা মঙ্গল' সূর, বুয়ারে আনিল'।

কিয়্যে নাচ্তন কিয়্যে গাধন, দিনেই আত্তালি, ত্রিরত্নর জয়গানে নাজের বৈশালী। অসংখ্য মাঞ্জ্যর নাল, গণায় ন-ধরে, বুদ্ধপুজা গড়িবাত্তেই, বেঘে এত্তন্ ফুলে-পাওরে। বুদ্ধ এঝের শিষ্যলোই, ধীরে আস্তে গড়ি, চারি-ঈর্যা ভাবনায় প্রেম মৈত্রী ধরি। সাধু সাধু র' তুলিলাক্, লক্ষ মানেই সুরে, সাধু রয় হুয়াং গুজুরের, স্বর্গ-ব্রহ্মপুরে। বেঘর ঘর জনশুন্য, বৈশালী নগরর, আঝি-পুঝি বেঘে এচ্ছ্যন্ বুদ্ধরে পুজনর। আমিয়্য এবার বেঘেমিলি, ভক্তি-শ্রদ্ধা মনে, মঙ্গল ধ্বনি সাধু সাধু কোই বেক্কুনে। ধীরে আস্তে দয়াল-বুদ্ধয়, রাজ ঘরত্ যার, চান্-বৈঠক পাদেই দ্যন্ বুদ্ধ বজিবার। চান্-বৈঠগত বচ্ছো বুদ্ধ, জঘতপারি গড়ি, ভিক্ষু সজ্ঞ বই গেলাকোই, যার যা আসন ধরি। তারপরে মহারাজা মহালী কুমার. পুত্রধন বুগত লোইনেই হুঝিয়্যে অপার। সুপ্রবাসা সুদ্ধ রাজা, আজং আজং মু গড়ি, পুত্রধন লোই তারা এত্তন ধাগাধাক্ক্যা গড়ি। বুদ্ধ ঠেঙত ধরি তারা, লামা সেলাম দিলাক্, আত্জুড় গড়ি তারা দ্বি-জনে, শ্রদ্ধা ঢালিলাক্। 'অসীম গুণে গুণধর ও-মহামূণি. শুদ্ধ অইয়্যে তর এজানায়, এ রাজধানী। তর আশীব্বাদ পেই. এই সীবলী কুমার. তাম্মা সুদ্ধ পেইয়ান তারা, মরণতুন উদ্ধার।

তর আশীব্বাদ যুদি, আমি বেঘে ন পেদং, বৈশালী রেজ্যর হুঝি. এচ্ছ্যা আমি ন দেদং। ও-প্রভূ, ও-বুদ্ধ, তুই অলে দয়ার সাগর, পিখিমীর প্রাণীউনর সুঘর বর মাগঙর। এধক্ক্যা নানা স্তুতি কুমারে গড়িল'. সাবেক্ ভরা খানা দিনেই বুদ্ধরে পুজিল'। খাদ্য-ভোজ্য-লেহ্য-পেয়্য নানা খানা দিনেই. সঙ্ঘ-সৃদ্ধ পুজা গল্প রাণী সুপ্রবাসায়। খানাপিনা যেক্কে তারার শেঝ ওই গেল'. সীবলীরে লোই রাণী বুদ্ধ-ইধু এল'। সজ্য সুদ্ধ বুদ্ধরে রাণী বন্দনা গড়িন্যায়, এক্-কিত্ত্যাদি বই গেল' ভক্তিয়্যে শ্রদ্ধায়। তারপরে ভগবানে পুঝার গড়ে রাণীরে. এধক্ক্যা পুয়া পেভার আঝা গড়ে কি ন-গড়ে? ভগবানর প্রশ্ন শুনি, হুঝিয়্যে রাণী কয়, এধক্ক্যা পুয়া তে আর' দশ্চুয়া চায়। রাণীর কধা শুনি বৃদ্ধ, ভাবে মনে মন, কি অবিদ্যা আন্ধারে ঢাক্ক্যা, মানেয়্যর্ মন। এধক্ দুঘ্খ' পান্ মিলেয়্ ইকো পুয়া-ফুধাদে, আঝা তুঅ ন-ছাড়ন্ আর' পুয়া পাধে। কি আমক্ অভার এ জীবর সংসারান, অসারান সার ক'ন সারত তারা অজ্ঞান। সুঘর্ ছলনা দিনেই, দুঘ্খান্ নিত্য এঝের, দুঘ্খান্ কুতুন্ জর্মা অর্ মানেয়ের ন-বুঝের। সুপ্রবাসা রাণী আর' তা পুয়াবোত্ত্যায়, সারিপুত্র-ইধু নিল', আশীব্বাদ লভাত্যায়।

সারিপুত্র মহাস্থবির ধর্মে অল' মতি ধীর, বুদ্ধ-পুআর মধ্যে তে, জ্ঞানে অল' মহাবীর। মায়-পুআয় বন্দনা গল্লে স্থবিররে. পুঝার গল্প সারিপুত্র সীবলী কুমাররে। "শুন শুন রাজার পুআ কুমার সীবলী, পেদট্ থানা কত' দুঘ্, যেইয়্যছ্ নাকি ভুলি ? সাত বঝর এলে তুই, পেদ' জেলখানাত্, কেনে থেলে এত' দুঘত্, ক' ম-মুজুঙত্। পেদট্ থানা এত দুঘ্ কেনে সোয়েলে ? দুঘ্ আর পেভে তুই আর' পুনঃজর্মা অলে।" 'কি কোম্ দুঘর্ কধা, পেদট্ থানাগান, অসহ্য অসীম দুঘ্খ', গর্ভ জেলখানান্। লোহকুম্ভী নরগত যত দুঘ্খ' আঘে, তাতুন্ কম দুঘ্ নয় বেজ্ কধ'গেলে।' তারপরে কল' তারে, ধর্মসেনাপতি, "গমেদালে বুঝি পাজ্জাছ্ সংসারর্ দুর্গতি। দুঘ্খ'নিরোধ নির্বাণ ছাড়া, সুঘ্ কন' জাগাত্ নেই, তিন ভবত্ ঘুরন্ জীবে, ঘুরি ঘুরি দুঘ্ পেই। প্রব্রজ্যা অবার ইচ্ছা আঘেনে নেই তর্ ? ইয়ান্ ছাড়া দুঘ্খ'মুক্তি নেই কন'-জীবর।" দুঘ্খ'মুক্তি প্রব্জ্যার কধা যে সীবলী শুনিল', প্রবজ্যা অভার তার ভারী ইচ্ছা অল'। ধর্মকধা ক'র্ সীবলী, সারিপুত্র লঘে, ইয়ান্ দেই সুপ্রবাসার মনত্ হুঝি জাগে। পুঝার গল্প সুপ্রবাসা সারিপুত্র স্থবিররে, "কি কধা ক'র্ প্রাণধন ম' সীবলী কুমারে ?"

"দুঘ্খ'সত্য কধা ক'র্ সংসার জীবর্, প্রবজ্যা লভার্ ইচ্ছা আঘে তর কুমারর্। তর অনুমতি ছাড়া কেনে প্রব্রজ্যা পেভ', প্রবজ্যা পেলে কিন্তু তে নিশ্চয় অরহৎ অভ'।" ইয়ান্ শুনি সুপ্রবাসা হুঝিয়্যে অপার, অনুমতি দিল' তারে প্রব্রজিত অবার। কধায় কধায় সময় অল' ভগবানর যেবার. শিষ্য-সুদ্ধ ফিরিব' বুদ্ধ জেতবনত্ এবার। গৌরবগড়ি বিদায় দ্যন্, সশিষ্য বুদ্ধরে, সারিপুত্র লঘে নিল' সীবলী কুমাররে। অষ্টপরিস্কার সুদ্ধ বুদ্ধইধু গেলাক্, সীবলীর প্রব্জ্যার কধা বুদ্ধরে জানেলাক। সাধু সাধু কোই বুদ্ধ আশীব্বাদ গড়িল', সীবলীরে প্রব্রজ্যা দিবার সারিপুত্ররে কল'। সীবলীরে সারিপুত্র পোল্ল্যা কি গল্ল, পেদট্ থানা দুঘর্ কধা ভাবীবার্ কল'। অসহ্য অসীম দুঘ্খ' গর্ভ জেলখানা, অশুচি এ কেয়ানরে অনিত্য ভাবানা। সার শুচি পবিত্রতা নেই এই কেয়ানত্ আমার আমিত্বভাব, নেই কন'কিত্যাত্। অনাত্মায় আত্মা-জ্ঞান মাঞ্জ্যে মনে গড়ন. দড়িরে সাব'ধক্ক্যা দেঘে পারা দেঘন। স্থবিরর উবদেশ্টই সীবলী কুমার, বুঝিল' শেঝ্ নেইয়্যা দুঘ্, এ ভব সংসার। তৃষ্ণা ক্ষয়ে নিৰ্বাণ ছাড়া, সুঘ্ কন' জাগাত্ নেই, হল-মুড়াদে নিত্য ভাবের, এ দুঘ্খানি চেই।

চুল' গোঝা পোল্ল্যা বারত যেই কাবা গেল', চুল চুল ভাবতে ভাবতে স্রোতাপত্তিত্ প'ল'। দ্বিতীয় গোঝা কাবা যেই যে ফল লাভ গড়ি. তৃতীয় গোঝাত্ সীবলী অনাগামীত্ পুড়ি। মাধার চুল্ বেঘ্ ফেলেই দুঘ্খ' ক্ষয় গল্ল, দুঘ্খ' ক্ষয়ে নির্বাণ সুঘে, অরহত্ত্ব পেল'। সীবলীর ব্রতকধা যেন দেবর সুধা, জ্ঞানীগুণি যেধক্ শুনন্ সেধক্ পান মিধ্যা। যেকেতুন্ ধরি শ্রীসীবলী অরহত্ত্ব পেল', সেক্কেত্তন ধরি বেক্ ভিক্ষুর অভাব দুর অল'। চারিপ্রত্যয় নানা জিনিস পানিনাল' ধক্ক্যা দান এঝের দিনমাগানে, অরহৎ সীবলী মুখ্যা। তাল তাল খানাপিনা কুতুন যে এঝে, সে খানালোই শ্রীসীবলী ভিক্ষুসজ্ঞ পুজে। দান দেলে আমক লাগে, মানুচ বেক্কনর, ঝর'ফুদ' ধক্ক্যা দান, দেব আর মানেয়্যর। শ্রীসীবলীর ব্রতকধা মিঝা কিঝু নয়, ভক্তি শ্রদ্ধায় শুনিলেয়্য অভাব দুর অয়। সীবলী ধক্ক্যা বন ভান্তেয়্য পুণ্য পারমী পুরেয়্যে, সিত্যায় তে ভিক্ষুর মধ্যে এত লাভী অইয়্যে।

# বুদ্ধতুন্ পাঁচশত ভিক্ষু চানা

একদিন শ্রাবস্তীত সীবলী স্থবিরে, ভগবান বুদ্ধরে ক'র দিয়ান আত্জুড়ে। "ও-বুদ্ধ দয়াময় তুই সংসারর সার, পাঁচশত ভিক্ষু চাঙর্ মর্ পুণ্য পরীক্ষার। পাঁচশত ভিক্ষলোই মুই নানা জাগাত যেম. পুণ্যফল কি আগুজ পাং না নপাং চেম।" ভগবানে রাজি অল' সীবলীর প্রার্থনায়, পাঁচশত ভিক্ষু দিল' পুণ্য পরীক্ষান্ত্যায়। পাঁচশত ভিক্ষু সুদ্ধ সীবলী হিমালয়্য মুখ্যা, যা-ধচ্ছ্যন আণ্ডাজে ফাং পিয়্যন্দে ধক্ক্যা। জনশুন্য ঝাড়'পধ্ ভারী দর্গড়ে পারা, সীবলীরে আক্ল দ্যন্ পিঝে অইয়্যন্ তারা। চিক্চিক্ক্যা গভীন ঝাড় দেখতে ভয়ঙ্কর, বাঘ-ভালুক-পশুপক্ষী কত নিশাচর। ভিক্ষুউনর্ ক্ষমা-মৈত্রী-অহিংসার বলে, বেক্ প্রাণীউন্ শান্ত অইয়্যন্ ঝাড়-জঙ্গলে। লুঙীলাক্কোই ভিক্ষু-সঙ্ঘ নেগ্ৰোধ ঝাড়ত্, সে ঝাড়ত্ আশ্রয় নিলাক্ এক বটগাঝর্ তলত্। সীবলীরে দেই ঝাড়র্ দেবেতা বেক্কুনে. নানা-বাবত্যা খানাপিনা আন্যন জনে-জনে। গাঝ'দেবেতা,ঝাড়'দেবেতা,বেক্ দেবেতা মিলি, চের প্রত্যয়ে পুজা গজ্যন বেঘে মিলিকুলি। এধকাায়ো উৎসব গড়ি সাপ্তামুল' পুজিলাক্, সিত্তুন আর' তারা পাওব পর্বদত্ গেলাক্।

ভিক্ষু-সজ্ঞত্ সীবলীরে দেবেতাউনে দেই, নাজি উত্তান হুঝিয়্যে সীবলীর গান গেই। সাপ্তামূল' তারায়্য মহাদান গড়ি যেয়্যন. বাদ্যযন্ত্র বাজে তারা মহা উৎসব গজ্যন। তারপরে সীবলী বেক ভিক্ষুউন্দোই. অচিরবতী ছড়াপারত আশ্রয় লইয়্যন্দোই। সে ছড়ানর নাক্সনে ভারী হুঝি অইন্যায়, সীবলী পূজা গজ্যন তারা, সাপ্তা ধরিন্যায়। সিতুন আর' গেলাক্ তারা, বড় সাগর' পারত্ দেবেতা যক্ষউনে থেদাক সেই সাগরানত। সীবলীরে দেই সঙ্গত দেবেতা-যক্ষউনে. আগবাড়েই হজা এলাক শ্রদ্ধাভরা মনে। সীবলীরে তারায়্য সাপ্তামুল' পুজিলাক্, যার যত সাধ্য তারার বেঘে দান গল্লাক। সাপ্তামুল' থেই সিধু আর' যা-ধল্লাক. হিমালয়্য মুখ্যা যেই, হিমালয়্যত্ গেলাক। হিমালয়্যত থেদাক কত দেবেতা-নিকর অন্সর। অন্সর। আর গণ্ডর্ব-কিনুর। সসজ্ঞ সীবলীরে দেই বেঘে হুঝি অলাক. সাপ্তামূল তারায়্য মহাদান দিলাক্। তারপর সিতুন তারা সদত্ত হ্রদত্ যেই, সে জাগাতও সাপ্তামূল' সেধক্যায় থেই। বেগ'শেঝে তারা গেলাক গন্ধমাদনত. নাগদত্ত দেবরাজা থেদ' সেই পর্বদত। গন্ধমাদন জাগানত যত দেব-নাগগণ, সসজ্য সীবলীরে দেই, বেগে হুঝি অইয়ান।

বাজেলাক্ নানাবাদ্য নাগদত্তপুরত্, নানারকম্ পুজা' দিলাক্ সীবলী সঙ্ঘত্। নাগদত্ত দেবরাজা মহাঋিদ্দমান, সাতদিনে সাত বাবত্ত্যা গজ্জ্যে পিণ্ডদান। ঘি ভাত, দই ভাত আর' দুধ ঝালাব্বর, নবনীত সোয়াত্ ভাত এই চের বাবদর। দিনমাগানে এত দান দেই ভিক্ষুউনে, পুঝার্ গল্লাক্ "এত ধন পেলে তুই কেনে ? ন দেঘির্ মোঝ্-গরু আর' গরু-মোঝর্ বাম, এত দুধ কুতুন্ এঝে আর' কন্না দোয়ান্। এত ঘি, এত দই কুতুন কন্না আনের, বেঘে খেই-খাইয়্য, দিনমাগানে উগুরের্। আমি বেঘে আমক অলং, তর এই কারবারে, কন্ পুণ্যলোই ইয়ানি পেইয়াচ্ ক' একেনা আমারে।" এই শুনি দেবরাজে কুয়া আরম্ভ গল্ল, আগ'জর্মাত গজ্জা তার কুশলানি কল'। ''আগ'কালে এ পিখিমীত্ এল' কশ্যপ-বুদ্ধ, দজ্ বলেদি বলবান শ্রীসম্যক সমুদ্ধ। শ্রদ্ধাগড়ি মুই তারে, সেবা-পুজা গড়িদুং, দিনমাগানে তারে মুই, দুধে-ভাদে সিয়ং দিদুং। এই পুণ্যলোই এচ্ছ্যা মুই এত ঋদ্ধিমান. পুণ্যফল পেইনেই অইয়্যং দই দুধে ধনবান।" মানে আর দেবর সুঘু গড়িবাত্ত্যায় চেলে, দান-শীল পুণ্যকর্ম গড়ি যগোই দোলে। সিত্যায় বেঘে দান গড়' গম জাগা চেই. দুঘ্-দরদ্ কমি যায়, স্বর্গ-ব্রুগাত যেই।

হিমালয়ত্ত্বন্ সীবলী স্থবিরর্ শ্রাবস্তীত্ ফিরি এঝানা তারপর শ্রীসীবলী ভিক্ষসজ্ঞলোই.

ফিরি এচ্ছ্যে শ্রাবস্তীত বুদ্ধ গুণগান্দোই। জনশুন্য ঝাড়পধ্ ভাবী ন-পাজ্জ্যা দান্ কন পুণ্যলোই বন্ধবর তুই এধক লাভবান। গাঙপানি ধক্ক্যা এঝের এধক উপহার. কুত্তন এঝে.কেনে এঝে.বেঘে আমক অভার। শুনিবাত্ত্যায় মনে কর ক' ভাঙীচুরি. কি গল্লে ইয়ানি পায়, বুঝেই-দে গম্গড়ি। শ্রীসীবলী কৃঅ ধল্ল ভিক্ষুউনর প্রার্থনায়, শুন' শুন' বন্ধুগণ কং সে কধা তোমায়। তারপর শ্রীসীবলী তা কর্ম জাতিম্মর জ্ঞানে চেল', বহু কল্পান্তরর কর্ম তা মন' আনাত দেল'। এগে এগে শ্রীসীবলী সিয়ানি বেক্ করু, ভক্তি-শ্রদ্ধায় মন দ্য যারা তুমি শুনর। আগকালে এ ভবত্ লক্ষকল্প অইয়্যে, পদুমুত্তর বুদ্ধ এই পিখিমীত্ জর্ম্মেইয়েয়। বেঘ শীলে শীলবান দুঘ্খ'সত্য কধ', ধ্যান-সমাধি গভীরভাবে দিনমাগানে গত্ত। অসীম অনন্ত শক্তি এল' জ্ঞানবান্ সম্যক-সম্বন্ধ তে পদুমুত্তর বুদ্ধ ভগবান।

একদিন্ন্যা পদুমুত্তর্ বুদ্ধ ভগবানে, ধর্মকধা কই-যার্ জীবর্ কল্যাণে। শ্রমণ-ব্রাহ্মণ আর যত নাগ ব্রহ্মাগণ, ধর্মকধা মন দিনেই বেঘে শুনি রইয়ান। সুদর্শন নাঙে এক স্থবির প্রধান, বুদ্ধ ক'র্ তা কধা, শুন' শ্রদ্ধাবান। সে কালত তা সঙ্ঘত এলাক যতজন, বেঘত্তন বেজ লাভী এল' ভিক্ষু সুদর্শন। পদুমুত্তর বুদ্ধ তারে মহালাভী কইয়্যে নানা পুণ্য পারমী পুরেই শ্রেষ্ঠলাভী অইয়্যে। শিষ্যউনর মধ্যে তারে খুব বাইনি গজ্জো. মহালাভী ভিলি তে পোল্ল্যা স্থান পেইয়্যে। শিষ্যদলত্ পোল্ল্যা জাগার কধা শুনিন্যায়, সীবলীতুন্ মনে কইয়্যে সিয়ান্ পেবাত্তায়। তা সে ইচ্ছান সেকেনে থামেবার নয়, কেনে সিয়ান্ পায়, সে কাম গড়িব' নিশ্চয়। এ ভাবিন্যায় শিষ্যসুদ্ধ পদুমুত্তর বুদ্ধরে, ফাং-গড়ি নি-এল' পুজা গড়িবার তারারে। কিয়ং তুলি-দি তারারে, খুব যত্তনে রাঘেল', শিষ্যসুদ্ধ বুদ্ধরে দান দি সাপ্তামুল' পুজিল'। সাপ্তামুল' পুজিন্যায় যে পুণ্যয়ান অল', সে পুণ্যলোই সীবলী পোল্ল্যা পদ্ মাগিল'। "ও-প্রভূ দয়াময় তুই সংসারর সার, বুদ্ধ জর্ম্ম অইন্যায় তুই করুণা বিলেই যর। ত-করুণা মাঘং প্রভূ আশীব্বাদ দে মরে, পোল্ল্যা পত্থান পাং যেন জর্ম্ম-জর্মান্তরে। ত-শিষ্য সুদর্শন' তাধক্ক্যা যেন ওই পারং. ও-প্রভূ মুই ততুন্ এই বরান মাগং। ভবিষ্যাৎ বুদ্ধকালত বেঘত্তন যেন লাভী অং. ষড়াভিজ্ঞা লাভ গড়ি যেন নির্বাণ যেই পারং।" সর্বজ্ঞতা জ্ঞান্দোই বুদ্ধ সীবলীরে চেল', প্রার্থনান পুরণ অভ' তার খুব শ্রদ্ধা দেল'। আর' দেল' সীবলীর খুব পুণ্যর জোর, পোল্ল্যা পদ লাভ গত্তে পুণ্য হেতু মিলে চার। তারপরে ভগবানে ক'ল' বেক্কুনরে, "এ পিখিমীত এব' বুদ্ধ আজার কল্প পরে। গৌতম বুদ্ধ নাং অভ', তার বংশ ইক্ষাকু, এ মানুষ্য অভ' সেক্কে সীবলী নাং ভিক্ষু। বেঘতুন বেজ্ লাভী অভ' গৌতম ভিক্ষুদলত্, গম্ভীর গড়ি প্রকাশ অল' একধা বুদ্ধর মুয়ত।" বুদ্ধউনর মুঅর্ কধা বরবাদ্ যেবার নয়, জর্ম্ম-মৃত্যু সত্য ধক্ক্যা সত্য ইজু অয়। হুঝি অইন্যেয় নাজিল' মন, বুদ্ধর আশীব্বাদে, বর পেইনে-পে হুঝি অইয়্যে নাজের যদবদে। রেত্যো গেলে বেল উধে যেন্ বিন্ন্যা মাধানত্, ঠিক্ সেধক্ক্যা সত্য ফলে বুদ্ধর আশীব্বাদত্। শ্রদ্ধা তার গভীরতুন্ আর' গভীর ওই যায়, বুদ্ধ বরান্ ভাবী ভাবী হুঝি গড়ি দিন কাদায়। এধুক্যায়্যে আয়ুপুর্ণ অল' তার যখন, তাবতিংস স্বৰ্গত যেই ললগোই জনম। অথদশী নাঙে বুদ্ধ পিথিমীত্ এই জর্মেল', ঠিক সময়্যে ধর্ম বিলেই নির্বাণত তে গেল'। বরুণ বুদ্ধ জর্ম্ম অল' অত্থদশীর পরে, ক্ষত্রিয় রাজা অইয়্যে সেক্কে এ ভব সংসারে। বুদ্ধমূৰ্তি পুজা গড়ি, জীংকানি তে কাদেইয়্যে, আয়ু শেঝে মুরি তে নির্মাণরতি স্বর্গত্ যেইয়্যে। নানান বাবদর দেব-সুঘ্ স্বর্গলোকত্ কাদেই, চক্রবর্ত্তী রাজা অইয়্যে পিথিমীত জর্ম্মেই। সাত-বাবত্যা রত্ন ভরা, নিত্য থেদ' তার ধন, মানেইলোকর নিত্য সুঘ্ গজ্জ্যে তে আমিষ্কন। সসাগরা রেজ্য শাসন পিখিমীত সুঘে গজ্জো. সারা জনম সুঘে থেই বুদ্ধ পূজা গজ্জো। তারপরে জর্মেইয়্যে বিপস্সী তথাগত, দেব-মাঞ্জ্যরে বিলেই দিয়্যে সত্যধর্ম অমৃত। সেক্কে অইয়্যে জর্ম্ম তার বন্ধুমতী আদামত্ আগে গজ্জো কামর ফলে, খুব গরীবর ঘরত। ঠাউয়া-গরীব বেঘে মিলি আদামর মানুচ্চুনে, দোল কিয়ং তুলি দ্যন্, বুদ্ধ-পুজার মনে। বেঘর ইচ্ছা দান দিবাক্, শ্রদ্ধাগড়ি বুদ্ধরে, ফাং গড়ি আনিবাক্কোই, বিপসসী সমুদ্ধরে। জেরে আ রাজা-প্রজা দ্বি-ভাগ ওই গেলাক. কনা বেজ দান-দি পারে জিদাজিত্ত্যা বাজেলাক। কুড়া-ধজ্জ্যন দানর জিনিস্ করা বেজ্ পারে, দান'মালর জোগার সং সং দ্বি-পাটিয়্যে গড়ে। কিন্তু তারা তিনান জিনিস মিলেই ন পাল্লাক. দই, মিধ্যা আর মধু এধক্ গড়ি তোগেলাক। ন-পেই তারা তিনান জিনিস অনেক জাগাত ঘুরি. বজেই থলাক মানুচ তারা বাজারর পধ-ধরি। তারারে কলাক্ কিনিবার্, যত লাগে দাম, দ্বি-পক্ষয় বাজেলাক মাল কিনার ধুমধাম। এমন সময় মনে ক'র মতুন যেবার বাজারত. দই, মিধ্যা বিজিবাত্ত্যায়, উধিল' মর-মনত।

যাদে যাদে পধ'কুড়ে মুবা দেলুং এক্কান, মধুভরন ওই ধুলের, গাঝত সেই মুবা'ন। বুদ্ধি গড়ি মধু ললুং, সেই মুবা'নতুন, তিনান্ জিনিস অল' এবার বেজনর মতুন। लाएंगि या-४वः, ठिनान जिनिम्रामारे, বিজি-পাল্লে কি কিনিম, সেই চিদ্যালোই। তিনান জিনিস ম-আধত দেই কিনিয়ায়. জিনিসসানি লভার চাদন,সোনার মাসা দিন্যায়। প্রজাউনে দ্বি-মাসা সোনা দিবার চেলাক্ রাজার মাঞ্জ্যে চেরমাসা দাম বাডে দিলাক। বার্ত্তে বার্ত্তে দ্বি-পক্ষত একশত মাসা উদিল'. এধক দাম কিত্যায় দেদন্ ম-মনত কামাল্ল। তারপরে পুঝার গল্পং কিনিয়া মানু চ্চনত্তন, এধক্ দামে জিনিস্সানি কিন্ত্যায় লাগের তমাতুন্ ? কধান শুনি উকো-মাঞ্জ্যে ভাঙি কল' মরে, ভগবানে ফাঙত এঝের বন্ধুমতি নগরে। রাজা-প্রজা দ্বিভাগ ওই পুজিবাত্ত্যায় তারে, জিদাজিত্ত্যা বাজেইয়ান, কন্না বেজ দান দি পারে। তর এই তিনান জিনিস কিয়োই তোগে ন পাধন সিত্ত্যায় তারা ত-জিনিজর এধক দাম দেধন। কধান শুনি এবার মুই, কি গড়িম ভাবিলুং, ভাবিন্যায় বুদ্ধরে দান গরিম ঠিক-গল্পং। আর' ভাবিলুং দান দিমোই প্রজাউনর পক্ষ ওই. দান দিম্বোই বুদ্ধরে খুব শ্রদ্ধা চিত্তলোই। এ সুযোগ ন আরেম মনে মনে ঠিক গল্পং তারারে এবার জিনিসসানি ন-বেজিম কলং।

আর' কলুং ম' জিনিস্সানি প্রজা পক্ষ ওই, অনুমতি পেলে মুই বুদ্ধরে দান দিঘোই। অনুমতি দিলাক তারে প্রজাপক্ষউনে. হুঝি মনে সাধু সাধু কলাক তারা বেক্কুনে। তিনান জিনিস তারপর মুই মিজাল-কজাল গড়ি, বুদ্ধ-ইধু যা-ধল্লুং খিজেখিচ্চ্যা গড়ি। দান'মেলাত্ বুদ্ধ-ইধু যেক্কে মুই গেলুং, অধিগম শ্রদ্ধা মর দিগুণ গড়ি বাড়েলুং। তারপরে ভক্তি-শ্রদ্ধায় বৃদ্ধরে বন্দনা গড়ি. তিনান জিনিস আধত্ লোই, কঙর কুজুলি গড়ি। ও-প্রভূ দয়াময় তুই দয়ার সাগর, গরীব মানুঝ্ মুই ভারী সংসার'ভিদর্। তরে পুজিবার শক্তি নেই, দামী জিনিস্সোয়, এক্কেনা মর এ দানান ল' প্রভূ হুঝি ওই। প্রভূমর এক্কেনা জিনিস্ খুব গুরুত্ব দিন্যায়, ত-প্রতি ম'শ্রদ্ধা'ন্মহৎ ভাবীন্যায়। দয়াগড়ি ল' প্রভূ পোল্ল্যা ত' সাবেগত্, পরে অভ' লবিয়্যত্ ত' ভিক্ষু-সজ্ঞত্। গভীর শ্রদ্ধা দেই বুদ্ধ দয়াগড়ি লল', অবশিষ্ট যা এল' ভিক্ষু সজ্মরে দিল'। আট্ষট্টি লাখ ভিক্ষু সে সঙ্ঘত্ এলাক, এক্কাগড়ি সে জিনিস বেঘে আয়সায় পেলাক। জিনিস্সানি বেকুনরে দিনায়্য ন-ফুরার্ কি আশ্চর্য্য পুণ্য ঋদ্ধি বেক্কুনরে দেঘার। বুদ্ধর কধক্ অসীম শক্তি ভারী আমক্ অভার, ও-বৃদ্ধ-ধর্ম-সজ্ঞ কদক দোল গুণ তোমার।

বুদ্ধর গুণ মনত্ গড়ি হুঝি শ্রদ্ধায় দান দিলে, একেনা অলেয়্য দানর ফল বেজগড়ি ফলে। সঙ্ঘ-সৃদ্ধ বৃদ্ধরে সেক্কে যে পুজা গজ্জাং সিত্তুন ধরি কন' জর্মাত্ অভাবত্ ন-পরং। পানিত্ কিংবা মাদিত্, ঝারত্ কিংবা আদামত্, কন'কিন্ত্যাত্ অভাব নেই লাভ অর সপ্পানত্। ঝড়ফুদ' ধক্ক্যা দান লাভ অত্তে দেঘর্ ইয়ানি বেঘ্ পুণ্যফল গড়ি এচ্ছ্যা আগ' জনমর। অনুত্তর পুণ্য জাগাত্ শ্রদ্ধাগড়ি গল্লে দান, বেঘ সুঘ পেইনে তারা, আর' পান নির্বাণ। দানে বাড়ে ধন-ঢৌলত্, আয়ু, বর্ণ, সুঘ্, कूलि মাঞ্জ্যে পরকালে ভূগন্ গরীবর্ দুঘ্। দানগল্লে সম্পত্তি বাড়ে, আর' বাড়ে সর্ম্মান, দান দিবার গম জাগা, খুব কম মাঞ্চ্যে পান। পাল্লে গড়ানা উত্তম দান, নিজর সাধ্যমত, মনে ন'কুইয়্যা অশ্রদ্ধার দান ফল ন-অয় তত। মানুচ অইন্যায় যিউনে ন গড়িবাক্ দান, সুঘর আঝা তারান্ত্যায় অয় আগাঝর চান। কুলিমাঞ্জ্যে কন'দিন্ স্বর্গত্ যেই ন-পারন্ জীংকানিয়ান কাদেই তারা নরগত পরন। ইয়ানি অল' বুদ্ধর কধা সত্য ভিলি জান'. সত্যরে সত্য ভিলি আয় থাগদে মান'। সীবলীর জীবন' কধা আর' কিঝু আঘে, ধৈর্য্য ধরি শ্রদ্ধাচিত্তে শুনি থাগ' বেঘে।

### সাতবঝর মা পেদট্ থানার কারণ

সীবলীর্ পুণ্যর কধা শেঝ্ অই গেল', পুঝার্ গড়ার তাতুন্ আর' ভিক্ষুউনর ইচ্ছা অল'। "শুনিলং তর পুণ্যর কধা, লাগের ভারী সুঘ্, সাত্-বঝর্-সং মা-পেদট্ তুই কিয়া পেলে দুঘ্ ? পুঝার গল্লাক ভিক্ষুউনে স্থবির সীবলীতুন্, শুনিবার ইচ্ছা অইয়্যে, আমা বেঘর মনতুন্। ত-কধা অমৃত ধক্ নিত্য শুনিবার মনে কয়, শুনিলে ভবর দুঘ্ বেগর ক্ষয় যেদ' কয়।" কধা শুনি শ্রীসীবলী কুয়া আরম্ভ গল্ল', "ভবচক্রত্ সুঘ্-দুঘ্ পানা বেক্ কর্মর্-ফল। আগকালে বারাণসী নাং, এক্কান রেজ্য এল', ব্রহ্মদত্ত সে রেজ্যত্ রাজা ওই গেল**'**। তা রেজ্যত প্রজাউনে খুব সুঘে থেদাক্ হঠাৎ গড়ি তা রেজ্যয়ান্ শত্তুরুয়্যে হানা দিলাক্। শতুরু রাজার লঘে যুদ্ধ ব্রহ্মদত্ত খুব গল্ল, ব্রহ্মদত্ত যুদ্ধত্ উধি পরাণ আরেল'। তারপর শতুরু রাজায় ভারী ধুমধাম গড়ি, সিংহাসনত্ বই গেল', ওই রেজ্যর্ অধিকারী। পাপমতি শতুরু রাজা, রেজ্যয়ান্ কারী লইয়্যে, ব্রহ্মদত্তর মোক্করেয়্য চুগুলং-গড়ি লইয়্যে। সেক্কে লইয়াং জনম্ মুই, ব্রহ্মদত্তর পুআ ওই, ভাগ্যভালা চোরা পধেদি ধেই যেইয়্যঙ্গোই। দুর-দেঝত জ্ঞাতি ঘরত আশ্রয় মুই লইয়্যং, আন্তে আন্তে দুঘ্ গড়িন্যায় সৈন্য কুড়েয়্যং।

জ্ঞাতির বল পানায় মুই গজ্যং যুদ্ধর আয়োজন, বাব'রেজ্য কারী লভার্ দড়গড়ি পণ। শতুরু রাজায় খবর দিলুং, মুই এঝঙর, সেধাম থেলে তৈয়ার থাক্ যুদ্ধ গড়নর্। জিদর কধা কুলুং মুই ম'-সৈন্য বেঘরে. দরমর' অলাক্ তারা, ম-কধানর্ সমারে। মুই এঝঙর্ খবর পেই, ম-মায় কি গল্ল', যখন-তখন গোপন গড়ি এক্কান খবর পাধেল'। বন্ধ গড়ার কল' আগে, নগরর বাড়ে দুয়ার্, হেই ন-পেই রেজ্যর মাঞ্জ্যে গত্তোক্ হাহাকার। পেট্পড়া যেকে মাঞ্জ্যে সই ন'পারিবাক্, রাগে তারা রাজারে ধরি মারে ফেলেবাক। সালে বিনা যুদ্ধে শতুরু লোই জয় অভ' তর্, বল পেলুং ম-মাতুন, পানায় এই খবর। কধামতে বাড়ে দুয়ারান্ বন্ধ গড়ি দিলুং, দরগড়ি সে জাগানত্ সৈন্যঘাদি বজেলুং। বাড়ে দুয়ারান সাত বঝর-সং বন্ধ গড়া অল', মাঞ্জ্যর্ তুঅ ভিদিরে হানার্ অভাব ন-রল'। নগরতুন্ মানু চ্চুনে চোরা পধেদি যান, বারেতুন্ হানাপিনা আনি তারা হান। ইয়ানি দেঘি মায় আর' খবর পাধেল', চোরা পধ্ এক্কান আঘে, মরে চিনেই দিল'। সে জাগানত্ আর' মুই শক্ত ঘাদি বজেন্যায়, সাপ্তামূল' ঘিরি থইয়াং, চেরোকিত্ত্যা সৈন্য দিন্যায়। এবার-তে' খবর অল' নগরবাসীউনর্ ভাত-কাবড়ে কষ্ট পাধন্বাড়ে যে ন'পারনর।

প্রজাউনে দুঘ্খ' কষ্ট সহ্য গরি ন'পারি, শতুরু রাজারে মারে ফেল্লাক্ বেক্কুনে ধরি। তারপর বাব'রেজ্য মরে গোঝে দিলাক্ বশ্যতা মর নুয়া গড়ি, বেঘে মানি ললাক্। সাতবঝর সাতদিন-সং বন্ধ গড়ি নগরর্ পধ্, সেই পাপে পলুঙ্গোই লোহকুম্ভী নরগত্। সেই নরগত্ পেইয়াং দুঘ্, কল্প-কল্লান্তরে, কি-যে দুঘ্ কধ' গেলে, কধায় ন-ধরে। ভূগী-ভাগায় দুঘ্খ'-কষ্ট, নরক লোহকুম্ভীত্, শেঝ্-মেঝ্ মানেই জনম্ এই পিথিমীত্। আর' কিঝু পাপ-ফল বাগী এল' মর, সে কারণে মা-পেদট্ সাতদিন সাতবঝর । দুঘ্খ' কষ্ট শেঝ্ গড়িলুং বাগী আর নেই, প্রাণীর মধ্যে উত্তম, এই মানেই জনম পেই।" স্থবির' কধা যেক্কে শেঝ্ অই গেল', ভিক্ষুউনর সংবেগ্ দুঘ্ চিদত্ বাড়ি গেল**'**। কামর্ আগাত্ত্যা ফল, ছাড়ি ন'পাজ্জ্যা দেই, ধর্মপধে মন দিলাক্ ডেন্-বাং ন'আলেই। আর একদিন্ন্যা জেতবনত্ মিলি ভিক্ষুউনে, শ্রীসীবলীর গুণ'কধা কধন্ বেরুনে। "আমক্ অভার সীবলীরে, জর্ম্মেই সাতদিনে, অরহত্ত্ব লাভ গল্ল, নিজর কন্-পুণ্য গুণে ?" দিব্যকানে ভগবানে কধা শুনি দুরতুন্, সে জাগানত্ এই গেল', কধা কবার্ মনতুন্। "শুন শুন ভিক্ষুউনে, সীবলী ইক্কে কি অইয়্যে? প্রবিজিত অদে তে, অরহত্ত্ব ফল পেইয়্যে।

এচ্ছ্যা তে মুক্ত অইয়্যে, বেক্ দুঘ্খানি ক্ষয় গড়ি. নিরোধ-নিবৃত্তি সুঘ্ লইয়্যে দরগড়ি। এই সীবলী মর-পুঅ, অইয়্যে তে ভবপার. ধর্মপধে চল' বেঘে নির্বাণ সুঘ পেভার।" সীবলীর ডাঙর্ পদ্ পানা এবং ৩০ আজার ভিক্ষুলোই রেবতরে খজা-যানা ভন ভন জ্ঞানী-গুণী ভন পুণ্য গড়িয়্যাউনে. সীবলীর পুণ্য পরীক্ষা আর চেই ইক্কিনে। পরীক্ষা চার বুদ্ধ নিজে, সীবলীরে লোই, কাদা-ঝারত যিয়্যে বুদ্ধ ৩০ আজার ভিক্ষুলোই। লঘে নেজেই সীবলীরে, রেবতরে আনিবার, এত্তে-যাদে কন'জাগাত অভাব ন-অবার। বুদ্ধর আঝল শিষ্য, অল' ধর্মসেনাপতি, সারিপুত্র তা নাঙান, এল' ভারী ধর্মমতি। তাম্মার নাং রূপসারি, জাদে এল' ব্রাহ্মণী, মিথ্যা-দৃষ্টি, মিথ্যা-জ্ঞান কিন্তু ভারী ধনী। বুদ্ধ ধর্ম বিশ্বেঝ্ ন-যায় আর কোচ্ ন-পায়, সিত্ত্যায় ভিলি তা পুঅবোরে গেইল দিদি থায়। সারিপুত্র ডাগি ডাগি তা ভেই-বোনুনরে, দুর্লভ প্রজ্যা দিয়ে বুঝে দিনেই ধর্মরে। তা মাবোর অমত দেই, এ-কামানি গড়িল', পুয়া-ঝিউন আরেই মার্ ভারী চিদ্যা অল'। আর মাত্র ইক্কো পুঅ, রেবতয়্যে আঘে, বেঘত্তন চিগোন তে, নিত্য মার চোঘে চোঘে।

তান্ত্যায় ভিলি রূপসারী ভাবী ভাবী কুল ন-পায়, নিত্য চিদ্যা তেয়্য যুদি, প্রব্রজ্যা লধ' যায়। আঝি কোটি ধন তারার, কনা ভোগ গডিব' বংশর বাত্তি দোলেগডি কন্না জালে রাগেব ? এ ভাবীন্যায় রূপসারি, বৌ-আনিবার ঠিক গল্প, সঙ্গে সঙ্গে বৌ-র্, জায়-জোগার্ গড়িল'। মনে মনে ভাবী ইন্দি, সারিপুত্র স্থবিরে, উগুম্ দিল' ডাগি-ডাগায়, বেক্ ভিক্ষুরে। "কিয়্যয় যুদি দেই থাগ', মর ভেই রেবতরে, প্রবজ্যা দিবার কলুং, যে দেঘে তারে। মা-বাবর মতামত নেই কন' দরকার. মুই তার অবিভাবক্ দিলুং অধিকার। মিথ্যা-দৃষ্টি, মিথ্যা-জ্ঞানী অবাক্ যেই মা-বাপ, তা পুআরে প্রব্জ্যা দেদে নেই কন' পাপ।" স্বার্থের খাতিরে মায় পুআরে দয়া দেঘান্, বৌ আনি দি তারারে, সংসার জ্বালাত্ ফেলান। আগ' জর্ম্মর পুণ্য আঘে, রেবতর দেঘা যায়, প্রবজ্যা অভার পুর হেতু, তাতুন্ ঠার পায়। রেবতয় মার্ মিঝে দয়ায়, সিয়ানি ভুলি যেইয়্যে, বৌ লবাত্যায় ইক্কে তে দরমর' অইয়েয়। দোল মিলা একজন লইয়্যে রেবত' কুমারে. ফিরি এঝের নিজ' ঘরত, তা মেক্কোলোই সমারে। শিবিগানত চড়ি এতন আঝি কল্-কল্ গড়ি, এত্তে এতে পধত দেখ্যে গুজং গুজং এক বুড়ী। চুল পাগানা বগরা-মু, আধত্ লুদী ধুজ্জা, চাম-চিধ্যা আলাং-উলং, আধের থর্থজ্জ্যা।

সেই বুড়ীরে দেই রেবত, আমক্ ওই গেল', মনে মনে খুব ভাবের ইবে তে কি দেল ? পুঝার গল্ল' সমাজ্জ্যারে, দেঘেই দিনেই তারে, "এ মানুচ্চ্যর্ কি অইয়্যে, ক'দে তুমি মরে।" "এ মানুচ্চ্য বুড়া অইয়্যে, ন-এল' এধুক্ক্যা, একদিন এল' তেয়া, ঠিক্ তধুক্ক্যা-মধুক্ক্যা। কালে কালে বুড়া পীড়ায়,তারে ধরি যেইয়্যে, বুড়া ওই তা কিয়ান চাদে বিশ্ৰী অইয়্যে। তুই মুইয়্য বাদ নেই, বেঘে বুড়া অভং, সময় অলে বেঘে আমি, এ দুঘত পুড়িবং। বুড়া পীড়া মরণর দুঘ, পেভ' এ কেয়ায়, জর্ম অলে রক্ষা নেই, ইয়ানি অয় হামাক্কায়"। ইয়ান শুনি রেবতর বুগত ডর সোমেল'. ফিরি-উল্লো সমাজ্জারে আর পুঝার গল্প। "এই যে ম-মোক্ক, ভারী কোচ্-পাং যারে, তা-দোলান দেঘি মুই, বৌ লইয়্যং তারে। সোনা ধক কেয়া রং তার, চাধে তেল-তেল্ল্যা, তেয়্য কি ধক্নেইয়্যা অভ' এই বুড়ী ধক্ক্যা"? "বানা তে নয়, তুই-মুইয়্য বেঘে সেধক্ অভং, জরা-ব্যাধি-মরণতুন কিয়্যে রক্ষা ন-পেবং। তৃষ্ণানর্ নির্বাণ ছাড়া, ইয়ানিতুন্ কিয়্যুয়্, মুক্তি নেই কন' ভবত্, দুঘ্ বারেবার্ অয়"। জরা-ব্যাধি-মরণ' কধা তুনি রেবত কুমার, কিচ্ছু নেই মনে গড়ের্, তুচ্ছ এই সংসার। আত্যায় এনা মামা, মরে দুঘত্ ফেলেবাত্যায়, ন-বুঝিনেই কইয়্যে মরে মোক্ক লভাত্ত্যায়।

ন-বুঝিনেই লইয়্যং মুই. কি গডিম এবার. আধে ধরি অইয়্যে মরু সংসার দুঘত্ পড়িবার্। ম-ভেইবো সারিপুত্র, ধর্মসেনাপতি, আয়-থাক্কে বুঝি-পাজ্জ্যে সংসারর দুর্গতি। সময় থাকে আগে তে সংসার ত্যাগ গড়ি মুক্তির-পধ্ পেইয়েয় তে বুদ্ধর কধা ধরি। আর মর ভেই-বোনুন, যারা যিয়্যন ঘরতুন, তারা নিশ্চয় মুক্ত অভাক্ কধা ওনি বুদ্ধতুন্। তা-অলে কিত্যায় থেম, এ দুঘর সংসারত ? মত্তুনো ধেই যা পড়িবো, দেঘঙর এ-সুযোগত। রেবত' কুমারে কল' "শিবিগান যারা চালর্, থামে রাঘ' শিবিগান্, বাড়ে মতুন্ যা পড়ের্"। রেবত' কুমার তখন শিবিগানতুন্ লামিল', আঘা এঝের ছলনা-দি বড় ঝারত সোমেল'। ঝারতুন্ এই শিবিগানত্ বল' পেট্ মলি-মলি, পেট-পীড়া গড়ের যেন, বেঘরে দেঘেবাত্ত্যায় ভিলি। এভাবে আঘাসালত্ যার আর এঝের্ তা বুদ্ধিয়ান বেঘে বিশ্বেঝ গড়ন পারা গড়ের। বিশ্বেঝ তে বেঘরে দোলে যেক্কে আনি দিল', এ সুযোগত দিল ধাবা, আর ফিরি ন-এল'। শিবিগান চালেইয়্যা আ তা সমাজ্জ্যাউনে বাচ্ছেই রইয়ান্ শিবিগানত বোই বেক্কুনে। এধক দেরী কিত্যায় অর্, কুমারে ফিরিবার্, তারা মনত কামাল্ল, কি দঝা অল'নেনা তার। তা-মোক্ক বোই রইয়ো, কানং কানং মু গড়ি, বেক্কনরে পাধেই দিয়্যে রেবতরে আনিবাত্ত্যায় ভিলি। শিবিগানতুন লামি, বেঘে তোগেলাক্ রেবতরে, এধক্ষণে রেবত যেই লুঙেগোই ভালক্ দূরে। কন'কিত্যাত্ তোগেই ন-পান্, ভালক্কণ ধরি, ফিরি এলাক শিবিগানত্ বেঘে চুধ'মু গড়ি। কুমারর মোক্ক সেকে দুঘে মুর্ছা হেই পল', মেলা-ঘরর গান-বাজনা বন্ধ ওই গেল'। যাদে যাদে রেবত লুঙীলগোই ঝাড়' কিয়ঙত্, লুঙীমাত্তর প্রব্রজ্যা লল', সেই জাগানত্। মন হুঝি অয় যেধুক্ক্যা রাজার রেজ্য-জয়ে, রেবতর মন নাজিল' সিতুন দ্বিগুণ হুঝিয়েয়। শ্রদ্ধাগড়ি কর্মস্থান ভাবনা লোই গুরুত্তন. কাদা-ঝাড় মুখ্যা এল' সে জাগানতুন। এমন গভীন্ জাগাত্ এল', সেই কাদা ঝারত্, মাঞ্জ্যর্ কন' সারা-শব্দ নেই সে জাগানত্। জ্বালা-তচ্ছ্যা নেই গড়ি বল' বিদর্শন ভাবনাত্, ভাবনায় সিদ্ধ ওই অল' কয়েকদিনে অরহৎ। শ্রাবস্তীত থেই বুদ্ধ দিব্য চোঘেদি চেল', কাদা ঝাড়ত রেবতরে অরহৎ কোই পাল্ল। তারপর ভিক্ষুউন ও ভিক্ষু কোই ডাগিল'. কাদা-ঝারত যেবাত্ত্যায়'তে বেক্কনরে কল'। "রেবত নাং ভিক্ষু ইক্কো, দুঘ্খ' ক্ষয় গজ্জো, সে ভিক্ষুবোয় কাদা-ঝারত অরহৎ ওই পাজ্জো। আনিবাত্ত্যায় তারে মুই, সেই ঝারত যাঙ্র, এ খবরান্ তোমারে বেঘরে জানাঙর্"। খবর তনি বুদ্ধতুন বেঘে হুঝি অলাক্, তিরিশ আজার ভিক্ষুসঙ্ঘ লঘে যেবার কলাক।

তারা যেবার ইচ্ছা দেই, ভাবের ভগবান, কুরা দিব' ভাত-পানি, সিউন যুদি যান ? কাদা-ঝাড় সে জাগানত কন' মানুচজন নেই. খানাপিনা কুত্তন অভ' জ্ঞান'চোঘেদি চেই। এ ভাবীন্যায় সীবলীরে ডাগিন্যায় কল', অরহৎ ওইয়া রেবতর কধা তারে জানেল'। "যা-পডিব' এচ্চ্যে আমার সেই কাদা ঝাডত. অরহৎ অইয়্যে রেবত' সেই জাগানত। যা-পড়িব' ততুন' আগমূলিম্ অই বেঘর্ তিরিশ আজার ভিক্ষুসজ্ম এই যে তুই দেঘর্। পুণ্যফলর পরীক্ষা অভ' তর যদবদে", সীবলীয়্যে হুঝি অল', বুদ্ধ এই কধা-কধে। তারপরে শ্রীসীবলী বুদ্ধরে বন্দনা গডি. কধাদিল' যেব' ভিলি ত্রিরত্নরে স্মরি। দেব-যক্ষ যত আঘন্ ইন্ধি কাদা ঝাডত. ত্তনিলাক সীবলী এভ', বুদ্ধ-ভিক্ষুসঙ্ঘত্। বুদ্ধ লঘে থেই-যেবাক, ভিক্ষু তিরিশ আজার, ঝাড়-জঙ্গল' দেবেতাউন্ হুঝি অইয়্যন এবার। পত্থানত ডেনে-বাঙে থেলাক দ্বিলেইন গড়ি. ঠিয়েই রইয়্যন দেবেতা-যক্ষ-গন্ধর্ব-কিনুরী। বুদ্ধর আদেঝে এবার, তিরিশ আজার ভিক্ষুয়্যে, আধা ধজ্জান ঝাড়-পধে, বেঘে মন হুঝিয়ো। বেঘ' আক্কল দিলাক তারা স্থবির সীবলীরে. লেইন্ ধরিনে যা-ধল্লাক্ বুদ্ধ লঘে সমারে। সীবলীরে দেই ঝাড়র দেব-যক্ষ-নাগ্রুনে. ঝড়-ফুদ' ধক্ দান দিলাক্ হুঝিয়্যে বেক্কুনে।

বুদ্ধগুণর গান গেই উত্তান্, ডাঙর্-ডাঙর্ র'গড়ি, সাধু সাধু কোইনে তারা কাবে-তুল্যন্ স্বর্গপুরী। সে জাগানত শ্রীসীবলী যা কিজু দান পেল', তিরিশ আজার ভিক্ষুসঙ্ঘ খেইখায় আর বাজিল'। ভারী গভীন ঝাড়-পধ্, মাঞ্জার গতিগম্ব নেই, নেই কন' বেজা-কিনা, কন' বাজার নেই। অথচ অভাব দুঘ্ কিয়্যজনে ন-পান, হুঝি অইয়্যন্ বেঘে পেই আঝা ন-গজ্জ্যা দান। এইভাবে যাদে যাদে, বুদ্ধ ভিক্ষুসঙ্ঘলোই, আন্তে আন্তে রেবত-ইধু লুঙী গেলাক্কোই। দেবেতাউন নাজি উত্ত্যন্, হুঝি ওই কাদা-ঝাড়ত্, আর বেজ হুঝি অইয়ান, সীবলীরে দেই সিয়ত। এবার এঝের দানর জিনিস গণি ন-পাজ্জ্যা গড়ি, দেবর ভোগ খাদ্য-ভোজ্য-লেহ্য-পেয়্য লে'ন ধরি। শ্রীসীবলী তা সাবেগত্, দান গোঝি লর্, তারপরে তে ভিক্ষুসজ্ঞাত দোলে পোচ্ছনি গাদার। শ্রীসীবলী সঙ্ঘসৃদ্ধ বৃদ্ধপুজা গড়ি. কয়েকদিন রলাক তারা, কাদা ঝাড় প'র গড়ি। রেবতরে সমারে লোই শ্রাবস্তীত্ এঝা ধল্লাক্ এত্তে আর' সীবলীরে বেঘ' আরুল দিলাক। আগধক্যায় ঝাড় দেবেতায় অদেঘায় থেই, দান গত্তন ভিক্ষুসঙ্ঘত সীবলীরে চেই। যিয়ত্ যায় শ্রীসীবলী নিত্য পেদ' দান, পরবাঝত পুজা গল্প ভিক্ষুসঙ্ঘ ভগবান। আমক অলাক্ ভারীগড়ি ভিক্ষু তিরিশ আজারে, পুণ্য ঋদ্ধি বাইনি গত্তন্, বেঘে সীবলীরে।

শ্রাবস্তীত্ এই সীবলীর, লাভর কধা যেক্কে কধন্, সে-কধা শুনি ভগবানে, শুন' কল' ভিক্ষৃগণ। "ভিক্ষুসঙ্ঘ মধ্যে মর্, যত শিষ্য আঘন্, বেঘতুন বেজ্ লাভী ভিলি সীবলীরে ক'ন্। তা-গুণর কধানি, কধ' গেলে শেঝ্ ন-অয়, কল্প-কল্পান্তরর্ পুণ্য ইয়ানিরে কয়।" এই কধান কইম্ত্রন্ বুদ্ধ-ভগবানে, সাধু সাধু র' তুলিলাক্ দেব-মানুচ্চুনে। সীবলীর ব্রতকধা যে মন দিন্যায় পড়ে. অভাব দুঘ্ দুর অয় তার্, এ ভব সংসারে। পাপগ্ৰহ দুঝে যেকে, যে জনে দুঘ পায়, তা দুঘ্খানি কাদি যায়, ভক্তিয়্যে সীবলী পুজায়। সীবলীর গুণ'কধা বেঘে বিশ্বেঝ্ গজ্জা, সর্বজ্ঞ বুদ্ধর কধা মিঝ্যা ন-থাজ্জ্য। সীবলীরে পুজিয়া আর জ্ঞানী পুণ্য গড়িয়াউনে, সাধু সাধু ক' বেঘে সত্য-ধর্মর ভক্তউনে।

# বাদীগড়ি সীবলী ব্ৰতকধা

লিচ্ছবি রাজার পুঅ মহালী কুমার,
স্রোতাপন্না ঝি লইয়্যে কোলীয় রাজার।
রূপে-গুণে গুণবতী সুপ্রবাসা নাং,
মহালী কুমার মোক্ মহা পুণ্যবান।
কালে কালে সুপ্রবাসা গর্ভবতী অল',
মহাপুরুষ একজন তার পেদট্ এই গেল'।
যিত্তুন ধরি সুপ্রবাসা চুধ' নেইয়্যা অল',
গাঙপানি ধক্ক্যা ধন, ঘরত্ এঝা ধল্ল।

ধন ধন বানা ধন, থবার জাগা নেই, শেঝ নেইয়্যা সে ধন, কত গরীবরে বিলেই। মহাপুরুষ জর্মা অর, অভ' পুণ্যবান, তারা বেঘে বুঝি পাল্লাক সুপ্রবাসার লক্ষণান। কত পুণ্য সুপ্রবাসার পরীক্ষাত্ত্যায় ভিলি, তা-আধত্ বীজি ছোয়ান্ প্রজাউনে মিলি। সুপ্রবাসা ছুইয়্যা বীজি, ভূইয়্যত্ ছিদিলে, সে ভূইয়্যত্ ক্ষেত ক্ষেত্তি অমকিত্ত্যা ফলে। কিন্তু হায়! কর্মফল কিয়্যে খণ্ডে ন-পারন, সাত বঝর পেদলী রইয়্যে পাপে তার কারণ। আগ' জর্ম্মে সুপ্রবাসা ডাঙর পাপ গজ্জো, সে পাপে সাত বঝর-সং, পেদট্ পুঅ ধজ্জো। পেট্পীড়ায় কত কষ্ট সাত বঝর সং পেইয়্যে, কি অল' সুপ্রবাসার বেঘর চিদ্যা অইয়্যে। পাপ ভূগীন্যায় সুপ্রবাসার ভাগ্য ফুলিল', কর্মযোগী তথাগতর্ সুনজরত্ এল'। পুঅ দোলে ফুধে ওক, সুপ্রবাসা সুঘীনি, নিরোগী তার পুঅ ওক্ গম থোক বিয়ানি। এ আশীব্বাদ দিল বুদ্ধ, দয়াগড়ি তারে, সুঘে মঙ্গলে পুঅ ফুধেল', আশীব্বাদর সমারে। দয়াল বুদ্ধর আশীব্বাদে মরত্ পুঅ পেলাক্, সে পুঅবোর নাঙান্ তারা, সীবলী রাঘেলাক। সারিপুত্র মহাস্থবির ধর্মে অল' মতি ধীর, বুদ্ধ শিষ্যর মধ্যে তে জ্ঞানে অল' মহাবীর। প্রব্রজিত অভাত্ত্যায়, পুণ্যবান সীবলী কুমারে, সারিপুত্র-ইধু প্রার্থনা গজ্জো দ্বি-আত জুড়ে।

সারিপুত্র মহাস্থবির প্রব্রজ্যা দেদে তারে, স্মরণ গরিবার কল' পেদট থানার দুঘরে। বেক্ দুঘতুন্ মুক্তি পেভার্ অরহৎ তোগেবে, অরহত্ত্ব লাভ গড়িন্যায়, নির্বাণ সুঘ্ পেভে। এ উব'দেজ দিনেই তারে, হুল্ মুড়ে দিল', সঙ্গে সঙ্গে পুণ্যবান সীবলী, অরহত্ত্ব পেল'। অতীত জৰ্ম্মে সীবলী, অনেক জৰ্ম্ম অইয়্যে, নানা বাবত্ত্যা দান পারমী, বেক্ পুরেইয়েয়। দান পারমীর পুণ্যফল বেক্ পেভাত্যায়, এ জর্মায়ান শেঝ জর্মা নির্বাণ যেবাত্যায়। দান পারমীর পুণ্য বলে যেক্কে যিধু যায়, যিয়ান ইচ্ছা দরকার লাগে. সিয়ান তে পায়। খানার কন' অভাব নেই, অফুরানি ধন, লাভীর মধ্যে মহালাভী সিত্ত্যায় তারে কন। শ্রদ্ধা চিত্তে ভক্তি-গড়ি, সীবলী মন্ত্র পড়িলে, অভাব কারর থেদ' নয় আর' মন-দি ওনিলে। সিত্যায় মুই পড়ঙর সীবলী মন্ত্র সংক্ষেপে, কন' কষ্ট যেন ন-পেই, পড়ি নানান অভাবে। শ্রাবক পারমী পুরেয়্যন্, বুদ্ধর শিষ্যউনে, মহাজ্ঞানী তারা অইয়ান, শুদ্ধ নির্বাণ জ্ঞানে। এ মন্ত্রবুআ' পড়া যার ় সীবলীর তেজ নিই, যে সীবলী পুরণ গজ্জ্যে মহালাভীর পারমী। লক্ষ কল্প আগে পিখিমীত পদুমুত্তর বুদ্ধ নাং, বেক্ ধর্মত্ এল' তে সর্বজ্ঞানে জ্ঞানবান। পদুমুত্তর আর সীবলী লাভীর মধ্যে বীর. মহালাভী চিনি তারে সীবলী মহাস্থবির।

চের প্রত্যয়ে পুজার যোগ্য, অরহৎ সীবলীরে, দেব-মাঞ্জ্যর উত্তম তে. এ ভব সংসারে। কোচ পেধাক তারে ভারী, ব্রহ্ম-নাগে-সুপর্ণয়্যে, সিত্যায় ভিলি তা নাঙান পিনিন্দ্রীয় অইয়্যে। পিনিন্দ্রীয় মহাপুরুষ, সংসারের সার, আমা বেঘর তা ঠেঙত কোটি কোটি নমস্কার। দেব-মাঞ্জ্যর পুজনীয়, মহালাভী গুণধর, তা গুণ ছড়ায় এ মন্ত্রবুআ সিব্যে স্মরণ গড়ঙর । "নাসং সীমো চ মোসীচং নানা জালিতি সংজালিং, সদেব-মনুসসা পুজিতং সব্বলাভ ভবন্ত তে"। এ মন্ত্র গুণে লাভ ওক্, বেক্ বিষয় মর্, শ্রদ্ধাচিত্তে ভক্তি-গড়ি সীবলীরে পুজঙর। সাপ্তামূল' দুঘ পেইয়্যে মা পেদত্তন অদে. ভারী দুঘ পেইয়্যে তাম্মা তারে ফুধাদে। সীবলীয়্যে হুল মুডাদে, প্রবজ্যা যেকে অর, অরহৎ ফল লাভ গজ্যে তে. সারিপুত্র দেশনর। দেব-মাঞ্জ্যে জোগে দ্যুন অষ্ট্রপরিষ্কার, এ সত্যলোই বেক লাভ ওক্, দিন দিন আমার। সীবলীয়্যে পূজা গজ্জো, বিপস্সী পদুমুত্তর বুদ্ধরে, উত্তম গড়ি দান দিয়্যে হুঝিয়্যে উজু গড়ি মনরে। তারারে পুজার বিশেষ গুণে মহালাভী অইয়্যে. কি ঝাডত বা আদামত, যিয়ান লাগে পেইয়েয়। পানিত্ কিংবা আগাঝত্, যে জাগানত্ থেদ', এক কধায় বেক্ জাগাত্ যিয়ান্ লাগে পেধ'। একদিনে ভগবানে চেধ' যিয়্যে স্থবির রেবতরে, সীবলী সুদ্ধ যিয়্যে বুদ্ধ, ভিক্ষু তিরিশ আজারে।

সীবলীরে দেই দেবেতায়, হুঝিয়্যে বেক্কনে. চের প্রত্যয় বাছার-বাছা, আন্যন জনে জনে। এত জিনিস দান গড়িলাক্, লাভী সীবলীরে, সে জিনিচ্চোই পুজা গজ্জো,ত্রিশ আজার সঙ্ঘসহ বুদ্ধরে। জেতবনত ফিরি বুদ্ধ, উপাধি দিল সীবলীরে, লাভীর মধ্যে শ্রেষ্ঠ ভিলি, জানায় পরিষদরে। লাভী ভিলি বাইনি পেইয়্যে, দয়াল-বুদ্ধতুন, এ লাভীরে পুজা গল্লে, অভাব ন-অয় কারত্তুন। বেক দুঘখানি ক্ষয় গড়িন্যায়, অরহৎ সীবলীয়েয়, জর্ম কারণ ধ্বংশ গড়ি, নির্বাণত তে যেইয়েয়। काबि- हिन्या এই ४ यन्, दरल रे दरल रे तिष्य, সংসার কাঝি ছিনি সীবলী, নির্বাণ' আভা হায়। ক্ষেন লঘন দোলে গড়ি ভগবানর সময়ে. জর্ম ওই লাভী সীবলীর, দোল এঝানা অইয়্যে। তিনান বিদ্যা লাভ গড়ি, দোলে বুদ্ধ শাসন পালেয়্যে, ষড়াভিজ্ঞা লাভ গড়িন্যায় ধর্মরে রক্ষ্যা গজ্জো। চের সম্ভিদা, আট বিমোক্ষ মহাশীলবান, বুদ্ধপুত্র জিন-শ্রাবক ভারী তেজীয়ান। জিনর শাসন রক্ষা গজ্জো, শীলর মহাতেজে, সীবলীরে পুজন বৌদ্ধয়, পত্তি দেঝে দেঝে। মহালাভীর তেজগুণে বেঘে রক্ষা পাধোক্, সীবলীর এই মন্ত্র গুণে বেঘে লাভী ওধোক। সেকে ইকো বটগাঝ এককল্প কালর. বুদ্ধ বচ্চ্যে সে তলে. মার সৈন্যউন উধে দিয়নর। এ সত্য তেজে তোমার বেঘর জয়মঙ্গল ওক. অভাবত্তুন নিত্য বেঘরে সীবলীয়্যে রক্ষা গড়োক।

দজ-বাবত্ত্যা পারমীতা, সীবলী পুরণ গড়েয়্যে, জিনশাসনে প্রবজ্যা ওই পুজনীয় অইয়্যে। শাক্যপুত্র নাঙে এবার অইয়্যে পরিচয়, সীবলীরে পুজা গল্লে অভাব দুর অয়। বুদ্ধর আঘন মহাশ্রাবক, তারা আঝিজন, আঝিজনর মধ্যে আর' অগ্রলাভী আঘন্। পুণু স্থবিরে অগ্রলাভী আর' যশস্বীরে কঙর্, দ্বিজনরে মাধা লোঙেই সেলাম গড়ঙর। বুদ্ধগুণর সীমা নেই, ধর্মগুণও সিয়ান্, হুঝি অভাক যিউনে, কলে এ দিয়ান্। হুঝি অলে যে ফল অয় সীমা নেই তার. বুদ্ধ আর ধর্মপদে কোটি কোটি নমস্কার। তারা বেঘর সত্যশীল ক্ষেমা-মৈত্রী বলে, বেক্ দুঘতুন্ মুক্তি পেদং আমি বেঘে দোলে। তারা বেঘর সত্যশীল ক্ষেমা-মৈত্রী বলে, বেক দরতুন মুক্তি পেদং আমি বেঘে দোলে। তারা বেঘর সত্যশীল ক্ষেমা-মৈত্রী বলে, বেক রোগতুন মুক্তি পেদং আমি বেঘে দোলে। এ সত্যলোই বেঘে তুমি রক্ষা গড় আমারে, ভক্তি-শ্রদ্ধায় পুজা গড়ির আমি তোমারে। সীবলীর এই মন্ত্রগুণে বেক্ দুঘ্খানি ক্ষয় যোক্, নানাদর নানারোগ আমা বেঘর ধ্বংস ওক্।

সীবলী ব্ৰতকধা থুম অল'

## খাদ্য ভোজ্য লেহ্য পেয়্য ফুলে ফাওরে পূজা সাজেই লাভীশ্রেষ্ঠ অরহত সীবলী

পূজা

পইলা পঞ্চশীল লোইনে শুদ্ধ সাঙ্গ ওই ঃ—
নমো তস্স ভগবতো অরহতো সম্মা সমুদ্ধস্স (৩)
তারপর লাভীশ্রেষ্ঠ শ্রীসীবলীরে এই কইনে বন্দনা গড়ানা।
মহাপুঞ্ঞানং অরহং লাভীনং অগ্নো সেট্ঠো
সীবলী নাম মহাথেরং সিরসা নমামি (৩)

ইতি পিসো সব্ব লাভীং সীবলী অরহং তমহং ভগবন্তং স্বধন্মং স্বসন্তাং ইমেহি আহারেহি ইমেহি নানা বিধেহি ফল মূলেহি, ইমেহি পুঞ্জেহি, কুন্মাসেহি, তামুলেহি নানা বিধেহি অপ্পরসেহি পূজোপচারেহি তমহং ভগবন্তাং স্বধন্মং স্বসন্তাং সীবলী নাম অরহং মহাথেরস্স পূজেমি, পূজেমি, পূজেমি। ইমিনা পূজাসক্কার অনুভাবেন যাব নিব্বাণস্স পত্তি তাব জাতি জাতিযং সুখ সম্পত্তি সমঙ্গীভূতেন সংসরিত্বা নিব্বানং পাপুনিতৃং পাখনং করোমি। তেসানুভাবেন সব্বলাভাং ভবন্ত মে। (৩)

ইদং নানা বিধেহি পূজোপচারেহি পূজানুভাবেন বুদ্ধ পচ্চেক বুদ্ধ অগ্ধসাবক মহাসাবক অরহন্তানং সদ্ধিং সীবলী মহালাভী বভাবসীলং। অহস্পি তেসং অনুবত্তকো হোমি, ইদং পূজোপচারং দানি বন্ধেনপি সুবন্ধং গদ্ধেনপি সুগন্ধং সন্ঠানেনপি সুসন্ঠানং খিপ্পমেব দুব্বনং দুগ্ধন্ধং দুস্সন্ঠানং অনিচ্চতং পাপুনিস্সতি। এবমেব সব্বে সংখারা অনিচ্চা সব্বে সংখারা দুক্খা সব্বে ধন্মা অনাত্তাতি। ইমিনা বন্দন মানন পূজা পতিপত্তি অনুভাবেন আসবক্খয়া বহং হোতু সব্ব দুক্খা পমুঞ্জ্ঞ। ইমায ধন্মানু ধন্মা পতিপত্তিযা বুদ্ধো ধন্ম সজ্ঞাস্স সদ্ধিং সীবলীং পূজেমি। অদ্ধা ইমায ধন্মানু ধন্মা পতিপত্তিযা জাতি, জরা, ব্যাধি, মরনম্হা, দলিদ্ধতো পরিমুচ্চিস্সামি।

#### সীবলী পরিত্তং

<b>\$</b> 1	পূরেন্তং পারমীসব্বা সব্বে পচ্চেক নাযক
	সীবলী গুণতেজেন পরিত্তং তং ভণাম হে
	(ন জালিতীতি জালিতাবী আ, ই, উ,
	আম ইস্বাহা বুদ্ধসামি বুদ্ধ সত্যম্)।

- পদুমুত্তরো নাম জিনো সব্বধন্মেসু চক্খুমা,
   ইতো সতসহস্সম্হি কপ্পে উপ্পজ্জি নাথকো।
- ৩। সীবলী চ মহাথেরো সোরহো পচ্চযাদিনং, পিযো দেব-মনুস্সানং পিযো ব্রাক্ষণমুত্তমং, পিযো নাগ-সুপণ্লানং পীণিন্দ্রীয়ং নমাম্যহং।
- । নাসং সীমো চ মোসীসং নানাজালীতি সংজলিং,
   সদেব-মনুস্স পূজিতং সকলোভা ভবন্ত মে।
- প্রতাহং দারমূল্হোহং মহাদুক্থ সমপ্পিতো,
   মাতা মে ছন্দদানেন এবমাসি সুদুক্থিতা।
- ৬। কেসেসু ছিজ্জমানেসু অরহত্তম পাপুনিং,
   দেব-নাগ-মনুস্সা চ পচ্চযানৃপনেন্তি মে।
- ৭। পদুমুত্তর নামঞ্চ বিপস্সিং চ বিনাযকং,
   সংপূজিযিং পমুদিতো পচ্চযেহি বিসেসতো।
- ৮। ততো তেসং বিসেসেন কম্মানং বিপুলুত্তমং, লাভং লভামি সব্বত্থ বনে গামে জলে থলে।
- ৯। তদা দেবো পণীতেহি মমত্থায মহামতি,
   পচ্চেযেহি মহাবীরো সসক্তো লোকনায়কো।
- ১০। উপট্ঠিতো ম্যা বুদ্ধো গল্পা রেবতমদ্দস, ততো জেতবনং গল্পা এতদয়ে ঠপেসি মং।
- ১১। রেবতং দস্সনখায যদা যতি বিনাযকো,
   তিংস ভিক্থু সহস্সেহি সহ লোকগ্গ নাযকো।
- ১২। লাভীনং সীবলী অগ্নো মম সিস্সেসু ভিক্খবো, সব্বলোকহিতো সখা কিত্তথী পরিসাসু মং।

- কিলেসা ঝাপিতা মযহং ভবা সব্বে সমূহতা. १०१ নাগোব বন্ধনং ছেত্বা বিহরামি অনাসবো। সাগতং বত মে আসি বুদ্ধসেটঠসস সম্ভিকং. 184 তিস্সো বিজ্জা অনুপ্পত্তো কতং বুদ্ধস্স সাসনং। পটিসম্ভিদা চতস্সো চ বিমোক্খা পি চ অট্ঠিমে, 1 36 ছলভিঞ্ঞা সচ্ছিকতা কতং বুদ্ধস্স সাসনং। বুদ্ধপুত্তো মহাথেরো সীবলী জিনসাবকো, 166 উপ্পতেজো মহাবীরো তেজসা জিনসাসনং। রকখন্তা সীলতেজেন ধনবন্তো যসসসিনো. 196 এবং তেজানুভাবেন সদারক্খন্ত সীবলী। কপ্পট্ঠাযীতি বুদ্ধস্স বোধিমূলে নিসীদযী, 761 মারসেনপ্পমদ্দন্তো সদারক্খন্ত সীবলী। দসপারমিতপ্পত্যো পব্বজী জিনসাসনে, १ ५८ গোতমং সক্যপুত্তোসি থেরেন মম সীবলী। মহাসবকা অসীতীসু পুণুখেরো যসস্সিনো, २०। ভবভোগে অগ্নলাভীসু উত্তমঙ্গেন সীবলী। এবং অচিন্তিযা বুদ্ধা, বুদ্ধধন্মা অচিন্তিযা, २५। অচিন্তিযেসু পসন্নানং বিপাকো হোতি অচিন্তিযো। তেসং সচ্চেন সীলেন খন্তী মেত্ত বলেন চ. २२ । তেপি মং অনুরক্খন্ত সব্বদুক্খ বিনাসনং। তেসং সচ্চেন সীলেন খন্তী মেত্ত বলেন চ্ ২৩। তেপি মং অনুরক্খন্ত সক্বভয বিনাসনং।
- ২৪। তেসং সচেচন সীলেন খন্তী মেত্ত বলেন চ, তেপি মং অনুরক্খন্ত সব্বরোগ বিনাসনং।

### সীবলী মন্ত্ৰ

- ্ঠ। নমো সিদ্ধ সীবলী রাজা পঠবিযা সব্বতোমেব আকাসে উদকেন নেবিসং সং হসসং তম্পি সারেমি সব্বলাভং উপেন্ত মে।
  - ২। নমামহং মহালাভীং সীবলী নাম অরহন্তং তস্স তেজেন সব্ব লাভং উপেন্ত মে।
  - ৩। নমো থেরস্স যতো হোতি যস্স যন্তা পিযাযতি যস্সযন্তি নমো নমঃ।
  - ৪। নমো থেরস্সন্তি সোনা মফিং মে সুতং এতং সব্বনেতি সীবলী তেজানং এবং সীবলী নমঃ নবিসসন্তি নমঃ।
  - ৫। নমো তেজং লোকেন সেট্ঠং নরাসভং এতং তেজেন সেটঠং নরাহতিং তেজ নমঃ।
  - ৬। নমো সোভিস দিসসন্তি তেজি পিযসসপতি নমঃ।
  - ৭। নমো জাতি জলাগার বিসদন আকাস অহন্তিং ব ঈবদাস্স তে জযতে নমঃ।
  - ৮। বুদ্ধং সিংসং সিদ্ধিং নমো, মুনি মুনি সিরি মুনি মুনি স্বাহা।

## বুদ্ধর উপদেশ বাণী

- । দুষ্ নেই,পাপ নেই,তৃষ্ণা, আসক্তি ও মান নেইয়া
  মুনিরে চর্চেলে পাপ তাঙানা অয়।
- ২। গমরে বান্যেই, বান্যেইরে গম্ কলে সিয়ানহ্ নিজে নিজে পাপ তাঙানা।
- । কর্ম কনহ্দিন বরবাদ ন যায়। কর্মী ইদু কর্মফল
   ফিরি এজেই এজে।
- ৪। যেক্কে কর্মফলতুন ছাড়ি পায্যা নয়, সালে গয় কায় গড়ানা বেগতুন্ গয়। গয় কায় য়ানে,শীল, সয়াধি প্রজ্ঞা।
- ৫। বান্যেই কাম্ গল্লে জেরেদি ভারী দুখত্, পরি
   পায়। জনা মৃত্যু দুগে দুগে লায়া অয় কিয় গয়
   কামে জনা, মৃত্যুরে বাদিই গড়ি ফেলায় এবং সুখ,
   সীয়া নেইয়া অয়।
- ৬। আগে গয্যা গম্ বান্যেই কামে বর্ত্তমান জীবন,
  বর্ত্তমানর গম্ বান্যেই কামে ভবিষ্যত জীবন।
  এদক্যা গড়ি অনন্তকাল ধরি জীবন। লোকত্তর
  কর্মই গম্ বান্যেই কাম্ শেষ গড়ি ফেলায়, গম্
  বান্যেই শেষই জীবনান বাদি অয়। জীবন চাক্কা
  ঘুড়ানা বন্ধ অলেই চির সুখ নির্ব্বাণ।
- ৭। দিনমাগানে একা একা পূণ্য কাম্ গড়ি জ্ঞানীয়ে নিজরে শুদ্ধ–সাঙ্গ গড়ে।

## শ্রদ্ধেয় বন ভত্তের উদহ্ নেইয়া জ্ঞানতুন্ কয়েকখান্ দামী দামী কধা

- ১। স্বর্গ, ব্রক্ষ,মানেই কুল্ যারা বিশ্বাস গড়ন।
   জন্ম, জরা, ব্যাধি, মরণ, আরহ্ চ্যুতি দুগত্ পড়ন॥
- ২। জ্ঞান, বল্ নিত্য অজল তলে পয্যা নয়। নিত্য সুখ পেবহ তে সত্যে যাতুন শ্রদ্ধা অয়॥
- চারি স্মৃতিত্ নিত্য থেলে মিলা মদ্দরে।
   দোল্ বান্যেই কিয়র্ মেইদ্ গড়ি ন পারে॥
   মেইদ গড়ি ন পাল্লে আসক্তিয়ান ন এজে।
   আসক্তিয়ান ক্ষয় গত্তে এদক্যায়ে কেজে॥
- 8। মিলা মরদ যদি থায় এ' কেয়া ভিদর।
   মার্গফল কনহ দিন ন অব কনহ জনর ॥
- ৫। কেয়া আর্ মনে পারে যিয়ান্ অভ্যাস্ গড়ে।
   অভ্যাসে কুশল কামে জ্ঞানীয়ে বুদ্ধ কধা ধরে ॥
- ৬। নিজর চলা ফিরা শীল সমাধি সত্য যদি অয়। অন্যরে উপদেশ দিলে ফল নিশ্চয় অয়॥
- ৭। দেস্যেই-মেস্যেইগৃহীয়ে পঞ্চশীল যদি পালায়।
   মলে-মালে ধনী, রাজা আরহ্ দেবকুল পায়॥
- ৮। ত্রিভূবনত্ পরা-দরা বেক্কানিলোই পায় বৃদ্ধ, ধর্ম, সংঘলোই কিচ্ছু পরা ন পায়।
- । যারা যারা কায় ন ঘনান বুদ্ধ সত্য ইদু।
   দুগে দুগে ঘুড়ন তারা জন্ম অন যিদু॥